

41
1
30

諸字板史記

列傳

百十二
百十七



平津侯主父列傳第五十二史記百一十二

丞相公孫弘者齊菑川國薛縣人也案薛縣

本屬魯漢置菑川國後割入齊也○正義曰表云菑川國文帝分齊置都劇括地志云故

劇城在青州壽光縣南三十一里故薛城在徐州滕縣界地理志云薛縣屬魯國按薛與

劇隔兗州又太山未詳公孫弘字季少時為墓又在青州北魯縣西二十里

薛獄吏有臯免家貧牧豕海上年四十餘乃

學春秋雜說養後母孝謹建元元年天子初

即位招賢良文學之士是時弘年六十徵以



奇贈者
伯爵林董氏
日 月九年
館書圖整義應慶

賢良為博士使匈奴還報不合上意上怒以為之能弘廼病免歸元光五年有詔徵文學菑川國復推上公孫弘弘讓謝國人曰臣已嘗西應命以不能罷歸願更推選國人固推弘弘至太常太常令所徵儒士各對策百餘人弘第居下策奏天子擢弘對為第一名入見狀貌甚麗拜為博士是時通西南夷道置郡巴蜀民苦之詔使弘視之還奏事盛毀西

南夷無所用上不聽弘為人恢奇多聞常稱

以為人主病不廣大人臣病不儉節弘為布

被食不重肉後母死服喪三年每朝會議開

陳其端令人主自擇不肯面折庭爭於是天

子察其行敦厚辯論有餘習文法吏事而又

緣飾以儒術上大說之索隱曰謂以儒術飾文法如衣服之有領

緣以為飾也二歲中徐廣曰一歲一至左內史弘奏事

有不可不庭辯之嘗與主爵都尉汲黯請間

汲黯先發之弘推其後天子常說所言皆聽
以此日益親貴嘗與公卿約議至上前皆倍
其約以順上旨汲黯庭詰弘曰齊人多詐而
無情實始與臣等建此議今皆倍之不忠上
問弘弘謝曰夫知臣者以臣為忠不知臣者
以臣為不忠上然弘言左右幸臣每毀弘上
益厚遇之元朔三年張敖免以弘為御史大
夫是時通西南夷東置滄海北築朔方之郡

弘數諫以為罷散中國以奉無用之地願罷
之於是天子乃使朱買臣等難弘置朔方之
便發十策弘不得一韋昭曰以弘之才非不
能得一也以為不可不

敢逆上耳○正義曰顏師古曰言其利害十條弘無以應弘迺謝曰山東

鄙人不知其便若是願罷西南夷滄海而專
奉朔方上乃許之汲黯曰弘位在三公奉祿
甚多然為布被此詐也上問弘弘謝曰有之
夫九卿與臣善者無過黯然今日庭詰弘誠

此也師古曰
此也一曰此也
類深及

中弘之病夫以三公為布被誠飾詐欲以釣
名且臣聞管仲相齊有三歸侈擬於君桓公
以霸亦上僭於君晏嬰相景公食不重肉妾
不衣絲齊國亦治此下比於民索隱曰比音
鼻比者近也
小顏音比今臣弘位為御史大夫而為布被
方之比
自九卿以下至於小吏無差誠如汲黯言且
無汲黯忠陛下安得聞此言天子以為謙讓
愈益厚之率以弘為丞相封平津侯徐廣曰
大臣表

日元朔五年十一月乙丑公孫弘為丞相功
臣表曰元朔三年十一月乙丑封平津侯綱

案漢書高成之平津鄉也○索隱曰案漢書
日漢興皆以列侯為丞相弘本無爵乃詔封

弘高成之平津鄉六百五十戶弘為人意忌
為平津侯丞相封侯自弘始也

外寬內深索隱曰謂弘外寬內
深意多有忌害也諸嘗與弘有

郤者雖詳與善陰報其禍殺主父偃徒董仲

舒於膠西皆弘之力也食一肉脫粟之飯索
隱

日案一肉言不兼味也脫粟
纔脫穀而已言不精鑿也故人亦善賓客

仰衣食弘奉祿皆以給之家無所餘士亦以

此賢之淮南衡山謀反治黨與方急弘病甚
自以為無功而封位至丞相宜佐明主鎮撫
國家使人由臣子之道今諸侯有畔逆之計
此皆宰相奉職不稱恐竊病死無以塞責索隱
曰案人臣委質於君死生由君臣若一朝病死是竊死也乃上書曰臣聞
天下之通道五所以行之者三索隱曰案此語出子思子
今見禮中庸篇曰君臣父子兄弟夫婦長幼之序此
五者天下之通道也智仁勇此三者天下之

通德所以行之者也故曰力行近乎仁好問
近乎智知恥近乎勇知此三者則知所以自
治知所以自治然後知所以治人天下未有
不能自治而能治人者也此百世不易之道
也今陛下躬行大孝鑒三王建周道兼文武
厲賢予祿徐廣曰厲一作廣也量能授官令臣弘罷駑
之質無汗馬之勞陛下過意擢臣弘率伍之
中封為列侯致位三公臣弘行能不足以稱

素有負薪之病恐先狗馬填溝壑終無以報
 德塞責願歸侯印乞骸骨避賢者路天子報
 曰古者賞有功褒有德守成尚文遭遇右武
 索隱曰小顏云右亦上武也言遭遇亂時則上武
 昔庶幾獲承尊位懼不能寧惟所與共為治
 者君宜知之蓋君子善善惡惡君宜知之君
 若謹行常在朕躬君不幸罹霜露之病何恙
 不已漢書音義曰何恙喻小疾不以時愈○
索隱曰恙憂也以言罹霜露寒涼之疾

輕何憂於病不止禮曰疾止復初也迺上書歸侯乞骸骨是章

朕之不德也今事少間君其省思慮一精神

輔以醫藥因賜告牛酒雜帛居數月病有瘳

視事元狩二年弘病竟以丞相終漢書曰年八十○索

隱曰索弘九為御史丞相六歲年八十終子度嗣為平津侯度為

山陽太守十餘歲坐法失侯索隱曰漢書云坐不遣鉅野令

史成詣公車論為城旦元始中詔復弘後為關內侯

主父偃者齊臨菑人也學長短縱橫之術晚

乃學易春秋百家言游齊諸生間莫能厚遇也齊諸儒生相與排擯不容於齊家貧假貸無所得迺北游燕趙中山皆莫能厚遇為客甚困孝武元光元年中以為諸侯莫足游者乃西入關見衛將軍衛將軍數言上上不召資用乏留久諸公賓客多厭之乃上書闕下朝奏暮召入見所言九事其八事為律令一事諫伐匈奴其辭曰臣聞明主不惡切諫以

博觀忠臣不敢避重誅以直諫是故事無遺策而功流萬世今臣不敢隱忠避死以效愚計願陛下幸赦而少察之司馬法曰國雖大好戰必亡天下雖平忘戰必危天下既平天子大凱應劭曰大凱周禮還師振旅之梁春蒐秋狝諸侯春振旅秋治兵所以不忘戰也宋均曰春秋少陽少陰氣弱未全須人功而後用士庶法之教而後成宗仁本義天子諸侯必春秋講武簡閱車徒以順時氣不忘戰也且夫怒者逆德也兵者凶器也爭者

主九師古曰也

末節也古之人君一怒必伏尸流血故聖王
重行之夫務戰勝窮武事者未有不悔者也
昔秦皇帝任戰勝之威蠶食天下并吞戰國
海內為一功齊三代務勝不休欲攻匈奴李
斯諫曰不可夫匈奴無城郭之居委積之守
遷徙鳥舉難得而制也輕兵深入糧食必絕
踵糧以行重不及事得其地不足以為利也
遇其民不可役而守也勝必殺之非民父母

也靡敵中國快心匈奴非長策也索隱曰靡音縻猶弊

也秦皇帝不聽遂使蒙恬持兵攻胡辟地

千里以河為境地固澤鹹鹵徐廣曰澤一作

水澤又不生五穀然後發天下丁男以守北

河暴兵露師十有餘年死者不可勝數終不

能踰河而北是豈人衆不足兵革不備哉其

勢不可也又使天下蜚芻輓粟文穎曰轉芻

起於東陲徐廣曰陲在東萊音緹○索隱琅

陲二縣也
又音誰

邪負海之郡轉輸北河率三十鍾而致一石
男子疾耕不足於糧饑女子紡績不足於帷
幕百姓靡敝孤寡老弱不能相養道路死者
相望蓋天下始畔秦也及至高皇帝定天下
略地於邊聞匈奴聚於代谷之外而欲擊之
御史成進諫曰不可夫匈奴之性獸聚而鳥
散從之如搏影今以陛下盛德攻匈奴臣竊
危之高帝不聽遂北至於代谷果有平城之

圍高皇帝蓋悔之甚乃使劉敬往結和親之
約然後天下忘干戈之事故兵法曰興師十
萬日費千金夫秦嘗積衆暴兵數十萬人雖
有覆軍殺將繫虜單于之功亦適足以結怨
深讎不足以償天下之費夫上虛府庫下敝
百姓甘心於外國非完事也夫匈奴難得而
制非一世也行盜侵驅所以為業也天性固
然上自虞夏殷周固弗程督禽獸畜之不屬

為人夫上不觀虞夏殷周之統而下脩近世
之失此臣之所以大憂百姓之所疾苦也且
夫兵久則變生事苦則慮易乃使邊境之民
靡敝愁苦而有離心將吏相疑而外市張晏曰與
外國交求利已故尉佗章邯得以成其私也
夫秦政之所以不行者權分乎二子此得失
之效也故周書曰安危在出令存亡在所用
願陛下詳察之少加意而熟慮焉是時趙人

徐樂齊人嚴安俱上書言世務各一事索隱曰樂

音岳嚴本姓莊者明帝諱後並改姓嚴也安及徐樂並拜郎中樂後為中大夫徐樂

曰臣聞天下之患在於土崩不在於瓦解古

今一也何謂土崩秦之末世是也陳涉無千

乘之尊尺土之地身非王公大人名族之後

無鄉曲之譽非有孔墨曾子之賢陶朱猗頓

之富也然起窮巷奮棘矜矜音勤偏袒大呼而

天下從風此其故何也由民困而主不恤下

怨而上不知也俗已亂而政不脩此三者陳涉之所以為資也是之謂土崩故曰天下之患在於土崩何謂瓦解吳楚齊趙之兵是也七國謀為大逆號皆稱萬乘之君帶甲數十萬威足以嚴其境內財足以勸其士民然不能西攘尺寸之地而身為禽於中原者此其故何也非權輕於匹夫而兵弱於陳涉也當是之時先帝之德澤未衰而安土樂俗之民

衆故諸侯無境外之助此之謂瓦解故曰天下之患不在瓦解由是觀之天下誠有土崩之勢雖布衣窮處之士或首惡而危海內陳涉是也况三晉之君或存乎天下雖未有天治也誠能無土崩之勢雖有疆國勁兵不得旋踵而身為禽矣吳楚齊趙是也况群臣百姓能為亂乎哉此二體者安危之明要也賢主所留意而深察也間者關東五穀不登年

言自若者言如其常
所處物

歲未復民多窮困重之以邊境之事推數循
理而觀之則民且有不安其處者矣不安故
易動易動者土崩之勢也故賢主獨觀萬化
之原明於安危之機脩之廟堂之上而銷未
形之患其要期使天下無土崩之勢而已矣
故雖有疆國勁兵陛下逐走獸射蜚鳥弘游
燕之囿淫縱恣之觀極馳騁之樂自若也金
石絲竹之聲不絕於耳帷帳之私俳優侏儒

鐘鼓

言實之若無

言不

言服了

之笑不多於前而天下無宿憂名何必湯武
俗何必成康雖然臣竊以為陛下天然之聖
寬仁之資而誠以天下為務則湯武之名不
難侔而成康之俗可復興也此二體者立然
後處尊安之實揚名廣譽於當世親天下而
服四夷餘息遺德為數世隆南面負宸攝袂
而揖王公此陛下之所服也臣聞圖王不成
其敝足以安安則陛下何求而不得何為而

史記卷五十二

十一

不成何征而不服乎哉嚴安上書曰臣聞周
有天下其治三百餘餘歲成康其隆也刑錯四
十餘年而不用及其衰也亦三百餘歲故五
伯更起五伯者常佐天子興利除害誅暴禁
邪臣正海內以尊天子五伯既沒賢聖莫續
天子孤弱號令不行諸侯恣行疆陵弱衆暴
寡田常篡齊六卿分晉並為戰國此民之始
苦也於是疆國務攻弱國備守合從連橫馳

其甚甚

車擊轂介胄生蟻蟲民無所告愬及至秦王
蠶食天下并吞戰國稱號曰皇帝主海內之
政壞諸侯之城銷其兵鑄以為鐘虛索隱曰

鄭氏本作錄音亦同也

示不復用元元黎民得免於戰

國逢明天子人人自以為更生嚮使秦緩其
刑罰薄賦斂省繇役貴仁義賤權利上篤厚
下智巧索隱曰上猶尚也貴也變風易俗化
於海內則世世必安矣秦不行是風而脩其

故俗為智巧權利者進篤厚忠信者退法嚴
政峻諂諛者衆日聞其美意廣心軼欲肆威
海外乃使蒙恬將兵以北攻胡辟地進境戍
於北河蜚芻輓粟以隨其後又使尉佗屠睢
索隱曰案尉官也他趙他也音徒何反屠睢人姓名睢音雖將樓船之士
南攻百越使監祿韋昭曰監御史名祿也鑿渠運糧深
入越越人遁逃曠日持久糧食絕乏越人擊
之秦兵大敗秦乃使尉佗將卒以戍越當是

時秦禍北構於胡南挂於越宿兵無用之地
進而不得退行十餘年丁男被甲丁女轉輸
苦不聊生自經於道樹死者相望及秦皇帝
崩天下大叛陳勝吳廣舉陳索隱曰謂勝廣舉兵據陳舉音
如字或音據武臣張耳舉趙項梁舉吳田儂
恐疎也下同舉齊景騎舉郢周市舉魏韓廣舉燕窮山通
谷豪士並起不可勝載也然皆非公侯之後
非長官之吏也無尺寸之勢起閭巷杖棘矜

應時而皆動，不謀而俱起，不約而同會，壤長

地進。張晏曰：壤，進益也。至于霸王時，教使然也。秦貴

為天子，富有天下，滅世絕祀者，窮兵之禍也。

故周失之弱，秦失之彊，不變之患也。今欲招

南夷，朝夜即降，羌夔略滅州。如淳曰：東夷也。○索隱曰：夔音

白北反，又皮逼反。滅，州地名。即古滅，陌國也。音紆，廢反。建城邑深入匈

奴，燔其龍城。索隱曰：匈奴城名。音龍，燔音煩。燔，燒也。議者義之

此人臣之利也，非天下之長策也。今中國無

猶吠之驚，而外累於遠方之備，靡敵國家，非

所以子民也。行無窮之欲，甘心快意，結怨於

匈奴，非所以安邊也。禍結而不解，兵休而復

起，近者愁苦，遠者驚駭，非所以持久也。今天

下鍛甲砥劍，矯箭累弦，轉輸運糧，未見休時。

此天下之所共憂也。夫兵久而變起，事煩而

慮生，今外郡之地，或幾千里，列城數十，形東

壤制。

服虔曰：言所東在郡守土，壤足以專民。制蘇林曰：言其土地形勢足以束制其

制蘇林曰：言其土地形勢足以束制其

或云是也

无補字

人者主之德也

民也○索隱曰案謂地形旁脅諸侯非公室

及土壤皆束制在諸侯也

之利也上觀齊晉之所以亡者公室卑削六

卿大盛也下觀秦之所以滅者嚴法刻深欲

大無窮也今郡守之權非特六卿之重也地

幾千里非特閭巷之資也甲兵器械非特棘

矜之用也以遭萬世之變則不可稱諱也書

奏天子天子召見三人謂曰公等皆安在何

相見之晚也徐廣曰他史記本皆不見嚴安此旁所纂者取漢書耳然漢書

不宜乃容大異或寫史記相承關脫也○索隱曰纂音撰於是上乃拜主

父偃徐樂嚴安為郎中數見上疏言事詔拜

偃為謁者遷樂為中大夫一歲中四遷偃偃

說上曰古者諸侯不過百里疆弱之形易制

今諸侯或連城數十地方千里緩則驕奢易

為淫亂急則阻其疆而合從以逆京師今以

法割削之則逆節萌起前日朝錯是也今諸

侯子弟或十數而適嗣代立餘雖骨肉無尺

寸地封則仁孝之道不宣願陛下十令諸侯得
推恩分子弟以地侯之彼人人喜得所願上
以德施實分其國不削而稍弱矣於是上從
其計徐廣曰元朔二年始令諸侯王分封子弟也又說上曰茂陵
初立天下豪桀并蕪之家亂聚之民皆可徙
茂陵內實京師外銷姦猾此所謂不誅而害
除上又從其計尊立衛皇后及發燕王定國
陰事偃有功焉大臣皆畏其口賂遺累千金

人或說偃曰大橫矣主父曰臣結髮游學四十餘年身不得遂親不以為子昆弟不收賓客棄我我阨日久矣且丈夫生不五鼎食死即五鼎烹耳吾日暮途遠故倒行暴施之日按偃言吾日暮塗遠恐赴前塗不跌故須倒行而逆施乃可及耳今此本作暴暴者言已困久得申當須急暴行偃盛言朔方地肥饒外阻河蒙恬城之以逐匈奴內省轉輸戍漕廣中國滅胡之本也上覽其說下公卿議

皆言不便公孫弘曰秦時常穀三十萬眾築
北河終不可就已而棄之主父偃盛言其便
上竟用主父計立朔方郡元朔二年主父言
齊王內淫佚行僻上拜主父為齊相至齊遍
召昆弟賓客散五百金子之數之曰始吾貧
時昆弟不我衣食賓客不我內門今吾相齊
諸君迎我或千里吾與諸君絕矣毋復入偃
之門乃使人以王與姊姦事動王王以為終

不得脫罪恐效燕王論死乃自殺有司以聞
主父始為布衣時嘗游燕趙及其貴穀燕事
趙王恐其為國患欲上書言其陰事為偃居
中不敢穀及為齊相出關即使人上書告言
主父偃受諸侯金以故諸侯子弟多以得封
者及齊王自殺上聞大怒以為主父劫其王
令自殺乃徵下吏治主父服受諸侯金實不
劫王令自殺上欲勿誅是時公孫弘為御史

大夫乃言曰齊王自殺無後國除為郡入漢
主父偃本首惡陛下不誅主父偃無以謝天
下乃遂族主父偃主父方貴幸時賓客以千
數及其族死無一人收者唯獨汶孔車徐廣曰孔車汶人也沛有汶縣○索隱曰汶戶交反車尺奢反葬之天子後聞
之以為孔車長者也

太史公曰公孫弘行義雖修然亦遇時漢興
八十餘年矣徐廣曰漢初至元朔二年八月上方鄉文學

招俊人以廣儒墨弘為舉首主父偃當路諸
公皆譽之及名敗身誅士爭言其惡悲夫太

皇太后詔大司徒大司空徐廣曰此詔是平帝元始中王元后

詔後人寫此及班固所撰以續卷後○蓋聞索隱曰案廣所云則又非褚先生所錄

治國之道富民為始富民之要在於節儉孝
經曰安上治民莫善於禮禮與奢也寧儉昔
者管仲相齊桓霸諸侯有九合一匡之功而
仲尼謂之不知禮以其奢泰侈擬於君故也

夏禹卑宮室惡衣服後聖不循由此言之始
之盛也德優矣莫高於儉儉化俗民則尊卑
之序得而骨肉之昆親爭訟之原息斯乃家
給人足刑錯之本也歟可不務哉夫三公者
百察之率萬民之表也未有樹直表而得曲
影者也孔子不云乎子率而正孰敢不正舉
善而教不能則勸維漢興以來股肱宰臣身
行儉約輕財重義較然著明索隱曰較音角明也未有

若故丞相平津侯公孫弘者也位在丞相而
為布被脫粟之飯不過一肉故人所善賓客
皆分奉祿以給之無有所餘誠內自克約而
外從制汲黯詰之乃聞于朝此可謂減於制
度應劭曰禮貴有常節衣服有常品而可施行者也德優則
行否則止與內奢泰而外為詭服以釣虛譽
者殊科以病乞骸骨孝武皇帝即制曰賞有
功褒有德善善惡惡君宜知之其省思慮存

精神輔以醫藥賜告治病牛酒羅帛居數月
 有瘳視事至元狩二年竟以善終于相位夫
 知臣莫若君此其效也弘子度嗣爵後為山
 陽太守坐法失侯夫表德章義所以率俗厲
 化聖王之制不易之道也其賜弘後子孫之
 次當為後者爵關內侯食邑三百戶徵詣公
 車上名尚書朕將親臨拜焉
 班固稱曰公孫弘卜式兒寬皆以鴻漸之翼

困於燕雀

李奇曰漸進也鴻一舉而進千里者羽翼之材也弘等皆以大材初

為俗所薄若燕雀不知鴻鵠之志也○索隱曰案謂公孫等未遇為時所輕若飛鴻之未

漸受困於遠迹羊豕之間韋昭曰遠跡謂耕燕雀也

隱曰案公孫牧豕卜式牧羊也非遇其時焉能致此位乎是

時漢興六十餘載海內又安索隱曰府庫充

實而四夷未賓制度多闕上方欲用文武求

之如弗及始以蒲輪迎枚生索隱曰案謂枚

公亦以蒲輪謂以蒲裹車輪恐傷草木也且蒲是草之美者故禮有蒲璧蓋或畫績以為

榮飾見主父而歎息索隱曰案上文嚴安等也相見之晚群臣慕嚮異人並出卜式試於魯者是也
牧弘羊擢於賈豎衛青奮於奴僕日磧出於降虜斯亦曩時版築飯牛之明矣漢之得人於茲為盛儒雅則公孫弘董仲舒兒寬篤行則石建石慶督直則汲黯卜式推賢則韓安國鄭當時定令則趙禹張湯文章則司馬遷相如滑稽則東方朔枚臯應對則嚴助朱買

臣曆數則唐都落下閔協律則李延年運籌則桑弘羊奉使則張騫蘇武將帥則衛青霍去病受遺則霍光金日磧其餘不可勝紀是以興造功業制度遺文後世莫及孝宣承統纂修洪業亦講論六藝招選茂異而蕭望之梁丘賀夏竦勝韋玄成嚴彭祖尹更始以儒術進劉向王褒以文章顯將相則張安世趙充國魏相邴吉于定國杜延年治民則黃霸

王成龔遂鄭弘邵信臣韓延壽尹翁歸趙廣漢之屬皆有功迹見述於後累其名臣亦其次也

索隱述贊曰

平津巨儒

晚年始遇

外示寬儉

內懷嫉妬

寵備榮爵

身受肺腑

主父推恩

觀時設度

生食五鼎

死非時蠹

平津侯主父列傳第五十二史記百一十二

漢書列傳六十

南越尉佗列傳第五十三史記一百一十三

南越王正義曰都廣州南海縣尉佗者真定人也索隱曰尉

官也佗名也姓趙佗音徒河反又十三州記云大郡曰守小郡曰尉韋昭云真定故都名

後更為縣在常山也姓趙氏秦時已并天下略定揚越

張晏曰揚州之南越也○索隱曰案戰國策云吳起為楚收揚越○正義曰夏禹九州本

屬揚州故置桂林南海象郡索隱曰地理志武帝更名桂林

曰鬱林秦本紀始皇三十三年略陸梁地以為田海鬱林象郡地理志云武帝更名曰南

也索隱曰謫陟革反以謫徙民與越雜處十三歲徐廣

日秦并天下至二世元年十三年并天
下八歲乃平越地至二世元年六年耳
佗秦時用為南海龍川令索隱曰地理志云龍川屬南海也○正義曰龍川師古云龍川南海縣也即今之循州也裴氏廣別記云本博羅縣之東鄉有龍穿地而出即穴流東泉至二世時南海尉任囂病且死因以為號也
徐廣曰爾時未言郡尉也○索隱曰囂音五月反名龍川令趙佗語曰聞陳勝等作亂秦為無道天下苦之項羽劉季陳勝吳廣等州郡各共興軍聚眾虎爭天下中國擾亂未知所安豪傑畔秦相立南

古曰被加也

海僻遠吾恐盜兵侵地至此吾欲興兵絕新道索隱曰栗蘇林云秦所通越道自備待諸侯變會病甚且番禺負山險阻南海東西數千里頗有中國人相輔此亦一州之主也可以立國郡中長吏無足與言者故名公告之即被佗書韋昭曰被之以書音光被之被○行南海尉事索隱曰索隱曰被音皮義反囂死佗即移檄告橫浦陽山滬谿關曰徐廣曰在桂陽通四會也○索隱曰案南康記云南野大庾嶺三十里至

橫浦有秦時關其下謂為塞上姚氏案地地理志云桂陽有陽山縣今此縣上流百餘里有騎田嶺當是陽山關鄒氏劉氏本湟並作

湟音年結反漢書作湟谿音皇又衛青傳云出桂陽下湟水是而姚察云史記作匯今本

湟有湟又匯不同蓋由隨見輒改故也水經云含匯縣南有匯浦關未知孰是

然鄭誕作湟漢書作湟蓋近於古盜兵且至

急絕道聚兵自守因稍以法誅秦不置張吏

以其黨為假守索隱曰案謂佗立其所黨秦

已破滅佗即擊并桂林象郡自立為南越武

王章昭曰生以武為號不稽於古也高帝已定天下為中國

古釋異也

勞苦故釋佗弗誅漢十一年遣陸賈因立佗

為南越王與剖符通使和集百越毋為南邊

患害與長沙接境高后時有司請禁南越關

市鐵器佗曰高帝立我通使物今高后聽讒

臣別異蠻夷隔絕器物此必長沙王計也欲

倚中國擊滅南越而并王之自為功也於是

佗乃自尊號為南越武帝發兵攻長沙邊邑

敗數縣而去焉高后遣將軍隆慮侯竈往擊

史記卷一百一十三

三

史記卷一百一十三

之索隱曰韋昭云竈姓周隆慮縣名屬河內音林間會暑溼士卒大

疫兵不能喻嶺索隱曰案即陽山嶺也歲餘高后崩即

罷兵侘因此以兵威邊財物賂遺閩越西甌

駱役屬焉漢書音義曰駱越也○索隱曰姚氏案廣州記云交趾有駱田仰潮

水上下人食其田名為駱侯諸縣自名為駱

將銅印青綬即今之令後蜀王子將兵討駱

侯自稱為安陽王治封溪縣後南越王尉佗

攻岷安陽王令二使典主交趾九真二郡即

也駭駱東西萬餘里迺乘黃屋左纛稱制與中

國侷及孝文帝元年初鎮撫天下使告諸侯

四夷從代來即位意喻盛德焉乃為佗親家

在真定置守邑歲時奉祀名其從昆弟尊官

厚賜寵之詔丞相陳平等舉可使南越者平。

言好時陸賈先帝時習使南越迺召賈以為

太中大夫往使因讓佗自立為帝曾無一介

之使報者陸賈至南越王甚恐為書謝稱曰

蠻夷大長老夫臣佗前日高后時隔異南越竊

等

燒先人家以故自棄犯長沙邊境且南方卑
溼蠻夷中間其東閩越千人眾號稱王其西
甌駱裸國亦稱王索隱曰裸音和寡反裸露形也老臣妄竊
帝號聊以自娛豈敢以聞天王哉乃頓首謝
願長為藩臣奉貢職於是乃下令國中曰吾
聞兩雄不俱立兩賢不並世皇帝賢天子也
自今以後去帝制黃屋左纛陸賈還報孝文
帝大詔遂至孝景時稱臣使人朝請然南越

其居國竊如故號名其使天子稱王朝命如

諸侯至建元四年卒佗孫胡為南越王徐廣曰皇

甫謚曰越王趙佗以建元四年卒此時閩越

王郢興兵擊南越邊邑胡使人上書曰兩越

俱為藩臣毋得擅興兵相攻擊今閩越興兵

侵臣臣不敢興兵唯天子詔之於是天子多

南越義守職約為興師遣兩將軍往討閩越

索隱曰王恢韓安國兵未踰嶺閩越王弟餘善殺郢以

降於是罷兵天子使莊助往諭意南越王胡
頓首曰天子乃為臣興兵討閩越死無以報
德遣太子嬰齊入宿衛謂助曰國新被寇使
者行矣胡方日夜裝入見天子助去後其大
臣諫胡曰漢興兵誅郢亦行以驚動南越且
先主昔言事天子期無失禮要之不可以說
好語入見索隱曰漢書悅作怵入見則不得
復歸亡國之勢也於是胡稱病竟不入見後

十餘歲胡實病甚太子嬰齊請歸胡薨謚為

文王嬰齊代立即藏其先武帝索隱曰李

壘借號之壘也嬰齊其入宿衛在長安時取邯鄲索隱曰李

氏女生子興徐廣曰一作典○索隱曰及即

位上書請立膠氏女為后興為嗣漢數使使

者風諭嬰齊嬰齊尚樂擅殺生自恣懼入見

要用漢法比內諸侯固稱病遂不入見遣子

次公入宿衛嬰齊薨謚為明王太子興代立

其母為太后太后自未為嬰齊姬時嘗與霸

陵人安國少季通索隱曰安國姓也少季名也及嬰齊薨

後元鼎四年漢使安國少季往諭王王太后

以入朝比內諸侯令辯士諫大夫終軍等宣

其辭勇士魏臣等輔其缺徐廣曰一作決衛尉路博

德將兵屯桂陽待使者王年少太后中國人

也嘗與安國少季通其使復私焉國人頗知

之多不附太后太后恐亂起亦欲倚漢威數

勸王及羣臣求內屬即因使者上書請比內

諸侯三歲一朝除邊關於是天子許之賜其

丞相呂嘉銀印及內史中尉太傅印餘得自

置除其故黥劓刑用漢法比內諸侯使者皆

留填撫之王王太后飭治行裝重齎為入朝

具其相呂嘉年長矣相三王宗族官仕為長

吏者七十餘人男盡尚王女女盡嫁王子兄

弟宗室及蒼梧秦王有連漢書音義曰蒼梧越中王自名為秦

齊側

王連親婚也○索隱曰案蒼梧秦王即下趙
光是也有連者連姻也趙與秦同姓故稱秦

王其居國中甚重越人信之多為耳目者得

衆心愈於王王之上書數諫止王弗聽有畔

心數稱病不見漢使者使者皆注意嘉勢未

能誅王王太后亦恐嘉等先事發乃置酒介

漢使者權韋昭曰侍使者為介曹也○索隱

誅呂嘉也韋昭曰介為侍介者間也以言間

特漢使之權意即得矣然云特為介曹則非
也虞喜以介為因亦有所謀誅嘉等使者皆
由案介者賓主所由也

東鄉太后南鄉王北鄉相嘉大臣皆西鄉侍

坐飲嘉弟為將將卒居官外酒行太后謂嘉

曰南越內屬國之利也而相君苦不便者何

也以激怒使者使者狐疑相杖遂莫敢發嘉

見耳目非是即起而出太后怒欲鋌嘉以矛

事昭曰鋌權也○索隱曰案字林鋌音王止
七凶反又吳王濞傳鋌殺長王與此同

太后嘉遂出分其弟兵就舍索隱曰案謂分

作介介被稱病不肯見王及使者乃陰與大

杖直亮

臣作亂王素無意誅嘉嘉知之以故數月不
發太后有淫行國人不附欲獨誅嘉等力又
不能天子聞嘉不聽王太后弱孤不能制
使者怯無決又以為王太后已附漢獨呂
嘉為亂不足以興兵欲使莊參以二千人往
使參曰以好往數人足矣以武往二千人無
足以為也辭不可天子罷參也郊壯士
徐廣曰縣

屬潁川音古洽反○正義曰今汝州郊城縣

正故濟北相韓千秋奮

曰以區區之越又有王太后應獨相呂嘉為
害願得勇士二百人必斬嘉以報於是天子
遣千秋徐廣曰為校尉與王太后弟膠樂將二千人
往入越境呂嘉等乃遂反下令國中曰王年
少太后中國人也又與使者亂專欲內屬盡
持先王寶器入獻天子以自媚多從人行至
長安慮實以為僮僕取自脫一時之利無顧
趙氏社稷為萬世慮計之意乃與其弟將率

攻殺王太后及漢使者遣人告蒼梧秦王及

其諸郡縣立明王長男越妻子術陽侯建德

為王徐廣曰元鼎四年以南越王兄越封高昌侯○索隱曰案功臣表術陽屬下邳

而韓千秋兵入破數小邑其後越直開道絡

食未至番禺四十里越以兵擊千秋等遂滅

之使人函封漢使者節置塞上索隱曰案用康詁以為大

度嶺名塞上也好為謾辭謝罪發兵守要害處於是

天子曰韓千秋雖無成功亦軍鋒之冠封其

子延年為成安侯索隱曰案功臣表成安屬郊膠樂其姊

為王太后首願屬漢封其子廣德為龍亢侯

索隱曰案龍亢屬譙國漢書作龍亢侯服虔作叩晉灼云龍古龍字乃下赦曰

天子微諸侯力政譏臣不討賊今呂嘉建德

等反自立晏如今罪人及江淮以南徐廣曰淮一作

也樓船十萬師應劭曰時欲擊越非水不至故作大船船上施樓故號曰

也樓船往討之元鼎五年秋衛尉路博德為伏

波將軍出桂陽下匯水徐廣曰一作湟案地理志曰桂陽有匯

水通四會或作淮字○索隱曰劉氏云匪當作湟漢書云下湟水也主爵都尉

揚僕為樓船將軍出豫章下橫浦故歸義越

侯二人張晏曰故越人降為侯為戈船下厲將軍徐廣曰厲

一作賴駟案張晏曰越人於水中負人船又有蛟龍之害故置戈於船下因以為名也應

劬曰賴水流涉上也贊曰伍子胥書有戈船以載干戈因謂之戈船也出零陵

或下離水徐廣曰在零陵通廣信○正義曰地理志云零陵縣有離水東至廣

信入鬱林九百八十里或抵蒼梧使馳義侯徐廣曰越人也名遺

因巴蜀罪人發夜郎兵正義曰曲州揚州以南是夜郎國下

牂柯江正義曰江出南徼外東咸會番禺元

鼎六年冬樓船將軍將精卒先陷尋陝破石

門索隱曰姚氏云尋陝在始興西三百里近門連口也廣州記石門在番禺縣北二十里

昔呂嘉拒漢積石於江名曰石門又俗云石門水名貧泉飲之則令人變故吳隱之至石

乃為歌也飲得越船粟因推而前挫越鋒以數

萬人待伏波伏波將軍將罪人道遠會期後

與樓船會乃有千餘人遂俱進樓船居前至

番禺建德嘉皆城守樓船自擇便處居東南

樓船楊僕也

史記卷五十五

面伏波居西北面會暮樓船攻敗越人縱火
燒越素聞伏波名日暮不知其兵多少伏
波乃為營遣使者招降者賜印復縱令相招
樓船力攻燒敵反驅而入伏波營中犁旦城
中皆降伏波徐廣曰呂靜曰犁結也音力奚
反結猶連及逮至也漢書犁旦
為遲旦謂待明也○索隱曰鄒氏云犁一作
比比音必至反然犁即北義不煩更釋又解
犁黑也天未明而尚黑也漢書史記亦
作遲明遲音維遲待也亦犁之義也呂嘉
建德已夜與其屬數百人亡入海以船西去

伏波又因問所得降者貴人以知呂嘉所之

遣人追之以其故校尉司馬蘇弘得建德封

為海常侯徐廣曰在東萊越郎徐廣曰南都稽徐廣

曰孫得嘉封為臨蔡侯索隱曰案

蒼梧王趙光者越王同姓間漢兵至及越揭

陽令定韋昭曰揭音其逝反○索隱曰地理

例反定者令之名也案漢功自定屬漢越桂

林監居翁漢書音義曰桂林郡諭甌駱屬漢

索隱曰案漢書索隱曰案漢三十餘萬口降漢皆得為侯書云光聞漢

兵至降封為桃侯揭陽令為安道侯趙將軍取為滕侯桂林監翁為湘城侯韋昭云湘

城屬堵陽桃安道滕也戈船下厲將軍兵及本元

馳義侯所發夜即兵未下南越已平矣遂為

九郡徐廣曰儋耳珠崖南海蒼梧九真鬱林

說書為伏波將軍益封樓船將軍兵以陷堅為

將梁侯自尉佗初王後五世九十三歲而國

亡焉又因尉佗封侯其人又為四時侯人

太史公曰尉佗之王本由任貫遭漢初定列

為諸侯隆慮離溼疫佗得以益驕歐駱相攻

南越動搖漢兵臨境嬰齊入朝其後亡國徵

自摻女呂嘉小忠令佗無後樓船從欲怠傲

失惑伏波困窮智慮愈殖因禍為福成敗之

轉譬若糾墨作墨

索隱述贊曰

中原鹿走 群雄莫制 漢事西馳

与本作 置

越推南裔 陸賈騁說 尉佗去帝

膠后內朝 呂嘉狼戾 君臣不協

率從剿絕

南越尉佗列傳第五十三 史記一百一十三

東越列傳第五十四 史記一百一十四

閩越王無諸 韋昭曰閩音武中反東越之別名 ○索隱曰按說文云閩東越

蛇種也故字從虫閩聲音是 及越東海王搖者其先皆越

王句踐之後也姓騶氏 徐廣曰騶一作駱○索隱曰徐廣說是上

云騶駱此別云閩不姓騶也 秦已并天下皆廢為君長以

其地為閩中郡 徐廣曰今建安侯官是○索隱曰小顏以為即今之泉州

建安也○正義曰今閩州又改為福也 及諸侯畔秦無諸搖率

越歸鄱陽令吳芮所謂鄱君者也從諸侯滅

秦當是之時項籍主命弗王

漢書音義曰主號令諸侯不王

無諸

以故不附楚漢擊項籍無諸搖率越人

佐漢漢五年復立無諸為閩越王王閩中故

地都東冶孝惠三年舉高帝時越功曰閩君

搖功多其民便附乃立搖為東海王

應劭曰在吳郡

東南濱海云

都東甌

徐廣曰今之永寧也○索隱曰姚氏云甌水名永嘉記水

出寧山行三十餘里去郡城五里入江昔世有東甌王都城有亭積石為道今猶在也

俗號為東甌王後數世至孝景三年吳王濞

反欲從閩越閩越未肯行獨東甌從吳及吳

破東甌受漢購殺吳王丹徒以故皆得不誅

歸國吳王子子駒亡走閩越怨東甌殺其父

常勸閩越擊東甌至建元三年閩越發兵圍

東甌東甌食盡困且降乃使人告急天子天

子問太尉田蚡蚡對曰越人相攻擊固其常

又數反覆不足以煩中國往救也自秦時棄

弗屬於是中大夫莊助詰蚡曰特患力弗能

救德弗能覆誠能何故棄之且秦舉咸陽而棄之何乃越也今小國以窮困來告急天子天子弗振當安所告愬又何以子萬國乎上曰太尉未足與計吾初即位不欲出虎符發兵郡國乃遣莊助以節發兵會稽會稽太守欲距不為發兵助乃斬一司馬諭意指遂發兵浮海救東甌未至閩越引兵而去東甌請舉國徙中國乃悉舉眾來處江淮之間徐廣曰年

表曰東甌王廣武侯望率其眾四萬餘人來降家廬江郡○索隱曰徐廣據年表而為說

至建元六年閩越擊南越南越守天子約不敢擅發兵擊而以聞上遣大行王恢出豫章大農韓安國出會稽皆為將軍兵未踰嶺閩越王郢發兵距險其弟餘善乃與相宗族謀曰王以擅發兵擊南越不請故天子兵來誅今漢兵眾彊今即幸勝之後來益多終滅國而止今殺王以謝天子天子聽罷兵固一國

完不聽乃力戰不勝即亡入海皆曰善即鏖

殺王索隱曰劉氏鏖音窓鏖撞也使使奉其頭致大行大

行曰所為來者誅王今王頭至謝罪不戰而

去徐廣曰漢書作連耘義當敢耘除或言耘耘音于粉反此楚人聲重耳隕耘當同音但

字有假借利莫大焉乃以便宜案兵告大農

軍而使使奉王頭馳報天子詔罷兩將兵曰

郢等首惡獨無諸孫繇君丑不與謀焉索隱曰繇

音捶繇者邑號丑名也乃使郎中將立丑為越繇主奉

閩越先祭祀餘善已殺郢威行於國國民多

屬竊自立為王繇王不能驕其眾持正天子

聞之為餘善不足復興師曰餘善數與郢謀

亂而後首誅郢師得不勞因立餘善為東越

王與繇王並處至元鼎五年南越反東越王

餘善上書請以卒八千人從樓船將軍擊呂

嘉等兵至揚揚以海風波為解不行持兩端

陰使南越及漢破番禺不至是時樓船將軍

揚僕使使上書願便引兵擊東越上曰士卒

勞倦不許罷兵令諸校屯豫章梅嶺待命徐廣

日在會稽界○索隱曰徐說非也案今豫章三十里有梅嶺在供崔山當古驛道此文又

豫章梅嶺知非會稽也○正義曰括地志云梅嶺在虔化縣東北百二十八里虔州漢亦

屬豫章郡二所未詳元鼎六年秋餘善聞樓船請誅之

漢兵臨境且往乃遂反發兵距漢道弼將軍

騶力等為吞漢將軍入白沙武林徐廣曰在豫章界○

索隱曰案今豫章北二百里接鄱陽界地名白沙有小水入湖名曰白沙沙東南八十里

有武陽亭亭東南三十里地名武林此白沙武林今當閩越之京道梅嶺殺漢

三校尉是時漢使大農張成故山州侯齒徐廣

曰成陽共王子將屯弗敢擊却就便處皆坐畏懦誅

餘善刻武帝璽自立詐其民為妄言天子遣

橫海將軍韓說出句章索隱曰鄭氏句音鉤會稽縣也○正義曰

句章故城在越州鄞縣西一百里漢縣浮海從東方往樓船將

軍揚僕出武林中尉王溫舒出梅嶺越侯為

戈船下瀨將軍出若邪白沙索隱曰案姚氏云若邪地名今

闕○正義曰越州有若耶山若耶溪若如一
預州有白沙山蓋從如此耶白沙東故閩州

元封元年冬咸入東越東越素發兵距險使

徇北將軍守武林敗樓船軍數校尉殺長吏

樓船將軍率錢唐轅絡古正義曰錢唐杭州
縣轅在絡古名

斬徇北將軍為禦兒侯漢書音義曰今吳南
亭是也○正義曰禦

字今作語語兒鄉在蘇州嘉
興縣南七十里臨官道也自兵未往故越

衍侯吳陽前在漢漢使歸諭餘善餘善弗聽

及橫海將軍先至越衍侯吳陽以其邑七百

人反攻越軍於漢陽從建成侯敖徐廣曰亦
東越臣

與其率從繇王居股謀曰餘善首惡劫守吾

屬今漢兵至眾彊計殺餘善自歸諸將儻幸

得脫乃遂俱殺餘善以其眾降橫海將軍故

封繇王居股為東成侯索隱曰韋昭
云在九江萬戶封

建成侯敖為開陵侯索隱曰徐廣云敖東越
臣韋昭云開陵屬臨淮

封越衍侯吳陽為北石侯封橫海將軍說為

按道侯封橫海校尉福為繚嫫侯漢書音義
曰音遼縈

成書三城

○索隱曰：縵，發縣名，服虔曰：縵，音紆，營反。福者，成陽共王子。

故為海常侯，坐法失侯，舊從軍無功，以宗室

故侯，諸將皆無成功，莫封東越將多軍。漢書音義

日多軍名也，索隱曰：漢兵至，棄其軍，降封為

無錫侯。於是天子曰：東越狹多阻闕，越悍數

反覆，詔軍吏皆將其民徙處江淮間，東越地

遂虛。索隱曰：漢書音義曰：音

大史公曰：越雖蠻夷，其先豈嘗有大功德於

民哉！何其久也。歷數代常為君王，句踐一稱

伯然，餘善至大，逆滅國，遷眾其先，苗裔繇王

居股等，猶尚封為萬戶侯。由此知越世世為

公侯矣。蓋禹之餘烈也。

索隱述贊曰

句踐之裔，是曰無諸。既席漢寵，

寔因秦餘。騶駘為姓，閩中是居。

王操之立，爰處東隅。後嗣不道，

有相誅鋤

東越列傳第五十四 史記一百一十四
前越領善至大與越陶器其大首首繼王
月共何其人少風接外常為王古列一誅

漢各列傳
六十五

朝鮮列傳第五十五 史記一百一十五

張晏曰朝鮮有濕水洌水汕水三水
合為洌水 苑樂浪朝鮮取名於此也
○索隱曰案朝音潮直驕反鮮音
仙以有汕水故名也 汕一音訕

朝鮮 正義曰潮仙二音括地志云高麗都平
壤城本漢樂浪郡王險城又古云朝鮮

地王滿者故燕人也 索隱曰案漢書滿燕人
姓衛擊破朝鮮王而自

王之自始全燕時嘗略屬真番 徐廣曰一作莫
遠東有番汗縣

番音普寒反 ○索隱曰始全燕時謂六國燕
方全盛之時常略二國以屬已也應劭云交

菟本真番國徐氏云遼東有朝鮮為置吏築
番汗縣者據地理志而知也

鄭塞秦滅燕屬遼東外徵漢興為其遠難守

復修遼東故塞至沮水為界漢書音義曰沮音滂沛反○正

義曰地理志云沮水出遼東塞外西南至樂浪縣西入海沮普大反屬燕燕王

盧綰反入匈奴滿亡命正義曰命謂教令聚黨千餘

人魁結蠻夷服而東走出塞渡沮水居秦故

空地上下鄣索隱曰案地理志樂浪有雲鄣稍役屬真番朝

鮮蠻夷及故燕齊亡命者王之都王險徐廣曰昌

黎有險瀆縣也○索隱曰韋昭云古邑名應劭注地理志云遼東有險瀆縣朝鮮王舊都

臣瓚云險城在樂浪郡沮水之東也會孝惠高后時天下初定

遼東太守即約滿為外臣保塞外蠻夷無使

盜邊諸蠻夷君長欲入見天子勿得禁止以

聞上許之以故滿得兵威財物侵降其旁小

邑真番臨屯皆來服屬索隱曰東夷小國後以為郡方數

千里正義曰括地志云朝鮮高驪貊東沃沮五國之地國東西千二百里南北二千

里在京師東東至大海四百里北至營州界九百二十里南至新羅國六百里北至靺鞨

國千四百里傳子至孫右渠正義曰其孫名也所誘漢亡

人滋多又未嘗人見真番旁衆國欲上書見

天子又擁闕不通元封二年漢使涉何誘諭

右渠索隱曰誘一作譙說文云譙讓也諭曉也譙音才笑反終不肯奉

詔何去至界上臨泚水使御刺殺送何者索隱

日即送何朝鮮裨王長正義曰顏師古云長者裨王名也送何至

之御也王及將士長恐類非也即渡馳入塞正義曰入乎州

榆林遂歸報天子曰殺朝鮮將上為其名義

即不詰索隱曰有殺將之美名拜何為遼東東部都尉

正義曰地理志云遼東郡武次縣東部都尉所理也朝鮮怨何殺兵襲

攻殺何天子募罪人擊朝鮮其秋遣樓船將

軍楊僕從齊浮渤海兵五萬人左將軍荀彘

出遼東討右渠右渠殺兵距險右將軍卒正

多率遼東兵先縱敗散多還走坐法斬樓船

將軍持齊兵七千人先至王險右渠城守窺

知樓船軍少即出城擊樓船樓船軍敗散走

將軍楊僕失其衆遁山中十餘日稍求收散

月不山子漢書家臣

史記卷一百一十五

卒復聚左將軍擊朝鮮沮水西軍未能破自
前天子為兩將未有利乃使衛山因兵威往
諭右渠右渠見使者頓首謝願降恐兩將詐
殺臣今見信節請服降遣太子入謝獻馬五
千匹及饋軍糧人衆萬餘持兵方渡沮水使
者及左將軍疑其為變謂太子已服降命
人毋持兵太子亦疑使者左將軍詐殺之遂
不渡沮水復引歸山還報天子天子誅山左

命作
合

將軍破沮水上軍乃前至城下圍其西北樓
船亦往會居城南右渠遂堅守城數月未能

下左將軍素侍中幸將燕代卒悍乘勝軍多
驕樓船將齊卒入海固已多敗亡其先與右
渠戰困辱亡卒卒皆恐將心慙其圍右渠常
持和節左將軍急擊之朝鮮大臣乃陰間使
人私約降樓船往來言尚未肯決左將軍數
與樓船期戰樓船欲急就其約不會左將軍

手城作城守

此後書在得

亦使人求間卻降下朝鮮朝鮮不肯心附樓
船以故兩將不相能左將軍心意樓船前有
失軍罪今與朝鮮私善而又不降疑其有反
計未敢發天子曰將率不能前及使衛山諭
降右渠右渠遣太子山使不能割決與左將
軍計相誤卒沮約今兩將圍城又乖異以故
久不決使濟南太守公孫遂往征之有便宜
得以從事遂至左將軍曰朝鮮當下久矣不

此言征在正

下者有狀言樓船數期不會具以素所意告
遂曰今如此不取恐為大害非獨樓船又且
與朝鮮共滅吾軍遂亦以為然而以節名樓
船將軍入左將軍營計事即令左將軍麾下
執捕樓船將軍并其軍以報天子天子誅遂
左將軍已并兩軍即急擊朝鮮朝鮮相路人
相韓陰尼谿相參將軍王啖漢書音義曰凡
五人也戎狄不
知官紀故皆稱相啖音頰○索隱曰路入漁
陽縣人如淳云相其國相路人名也啖一音

相與謀曰始欲降樓船樓船今執獨左將
 軍并將戰益急恐不能與戰王又不肯降陰
 啖路人皆亡降漢路人道死元封三年夏尼
 未下故右渠之大臣成己又復攻吏左將
 軍使右渠子長徐廣曰表云長路音各降相路
 人之子最索隱曰最名路人之子也告諭其民誅成己以
 故遂定朝鮮為四郡真番臨屯樂浪玄菟者也封參為瀋

清侯韋昭曰屬齊○索陰為菽苴侯韋昭曰屬渤海

○索隱曰菽音秋苴音子餘反啖為平州侯韋昭曰屬梁父長為樂

侯韋昭曰屬河東○最以父死頗有功為溫

陽侯韋昭曰屬齊左將軍徵至坐爭功相嫉乘計

棄市樓船將軍亦坐兵至列口當待左將軍

擅先縱失亡多當誅贖為庶人索隱曰蘇林云列口縣名

度海先得之

太史公曰右渠負固國以絕祀涉何誣功為

兵殺首樓船將狹徐廣曰言其將卒狹少及難離咎悔

失番禺乃反見疑首彘爭勞與遂皆誅兩軍俱辱將率莫侯矣

索隱述贊曰

衛滿燕人

朝鮮是王

王險置都

路人作相

右渠首羌

涉何調上

兆禍自斯

狐疑二持

山遂伏法

紛紜無狀

鮮朝列傳第五十五

史記一百一十五

西南夷列傳第五十六

史記一百一十六

西南夷君長

正義曰在蜀之南

以什數夜即最大

索隱

日劉氏數音所具反鄭氏音所主反荀悅云夜郎捷為屬國也韋昭云漢為縣屬牂牁案後漢書云夜郎東接交趾其地在胡南其君長本出於竹以竹而為姓也○正義曰今瀘

州南大江兩岸協州曲州本夜郎國

其西靡莫之屬

正義曰在蜀南以下

及西也靡非在姚州北去京西南四千九百三十五里即靡莫之夷

以什數滇

最大

如淳曰滇音顛顛馬出其國也○索隱曰靡莫夷邑名滇與同姓也崔浩云滇

後為縣屬越雋太守所理也○正義曰昆州即州等本滇國去京西五千三百七十里也

自滇以北君長以什數邛都最大此皆魑結

耕田有邑聚索隱曰魑漢書作推音與迨反結音計其外西自

同師以東韋昭曰漢書作相鄉北至牂榆韋昭

曰在益州牂音葉○正義曰上音牂牁澤在

桑榆生名為雋昆明○徐廣曰永昌有雋唐縣

王國也明二國名韋昭云益州縣○正義曰雋音髓

今體州也昆明雋州縣蓋南接昆明之地因

也皆編髮隨畜遷徙正義曰編步典反畜許

母常處毋君長地方可數千里自雋以東北

君長以什數徙獠都最大徐廣曰徙在漢嘉

索隱曰服虔云徙獠二國名韋昭云徙縣在

蜀獠縣在越雋○正義曰徙音斯括地志云

徙州本西蜀徼外曰獠羗雋地理志云徙縣

也華陽國志雅州邛邛山本名邛獠山故邛

人界自獠以東北君長以什數冉駹最大索

隱曰案應劭云汶江郡本冉駹音亡江反○正

義曰括地志云蜀西徼外羗茂州冉州本冉

駹國地也後漢書云冉駹其山其俗或土箸

有六夷七羌九蠻各有部落也

或移徙在蜀之西自冉駹以東北君長以什

數白馬最大索隱曰案夷邑名即白馬氏也

○正義曰括地志云隴右成州

武州皆白馬氏其豪族皆氏類也此皆巴蜀

西南外蠻夷也始楚威王時使將軍莊蹻正義

日其略反郎州昆將兵循江上略巴蜀黔中

以西莊蹻者故楚莊王苗裔也索隱曰蹻音

王弟為蹻至滇池地方三百里索隱曰地理

盜者志益州滇池

縣澤在西北後漢書云其池水源深廣而更

淺狹有似到流故謂滇池也○正義曰括地

志云滇池潭在昆州晉寧縣西南三十里其

水源深廣而更淺狹有似倒流故謂滇池也

旁平地肥饒數千里以兵威定屬楚欲歸報

會秦擊奪楚巴黔中郡道塞不通因還以其

衆王滇變服從其俗以長之秦時常頌音略

通五尺道索隱曰謂棧道廣五尺○正義曰

云其處險阨故道纔廣五尺也諸此國頗置吏焉

十餘歲秦滅及漢興皆棄此國而開蜀故徼

巴蜀民或竊出商賈取其筴馬棘今益州

南戎州北臨髦牛以此巴蜀殷富索隱曰章

大江西古楚國

捷為音蒲北反服虔建元六年大行王恢擊

日舊京師有楚婢

三

三

三

三

三

三

三

三

三

三

三

三

東越東越殺王郢以報恢因兵威使番陽令

正義曰唐蒙風指曉南越南越南越食蒙蜀枸醬

番音婆徐廣曰枸一作蒟音窶窶窶窶漢書音義曰枸

木似穀樹其葉如桑葉用其葉作醬酢美蜀

人以爲珍味索隱曰案音灼枸音矩劉德

云枸樹如桑其椹長二三寸味酢取其實以

爲醬美小顏云枸者緣木而生非樹也今蜀

土家出枸實不長二三寸味辛如薑不酢劉

說非也廣志云枸色黑味辛下氣消穀窶音求羽反

蒙問所從來曰道

西北牂牁江正義曰崔浩云牂牁船棧也

遣莊躡伐夜郎軍至且蘭擄船於步項而戰

既滅夜郎以且蘭有擄船柯風仍改其名爲

牂牁牂牁江廣數里出番禺城下蒙歸至長安

問蜀賈人賈人曰獨蜀出枸醬多持竊出市

夜郎夜郎者臨牂牁江江廣百餘步足以行

船南越以財物役屬夜郎西至同師然亦不

此制越一奇也誠以漢之疆巴蜀之饒通夜
即道為置吏易其上許之乃拜蒙為郎中將
將千人食重萬餘人索隱曰案食糧及緇從重車也音持用反
巴蜀徭關入遂見夜即侯多同蒙厚賜喻以
威德約為置吏使其子為令夜即旁小邑皆
貪漢繒帛以為漢道險終不能有也乃且聽
蒙約還報乃以為犍為郡設巴蜀卒治道自
夔道指犍犍江索隱曰犍犍云犍犍繫船茂以為地名道猶從也地理志

夜郎又有豚水東至南海四會入海北犍犍江蜀人司馬相如亦言

西夷邛笮可置郡使相如以郎中將往喻皆

如南夷為置一都尉十餘縣屬蜀當是時巴

蜀四郡徐廣曰漢中巴郡廣漢蜀郡通西南夷道成轉相

饑數歲道不通士罷餓離濕死者甚眾西南

夷又數反發兵興擊耗費無功上患之使公

孫弘往視問為還對言其不便及弘為御史

大夫是時方築朔方以據河遂胡弘因數言

西南夷害可且罷專力事匈奴上罷西南夷

獨置南夷夜郎兩縣一都尉徐廣曰元光六年南夷始置郵

亭稍令犍為自葆就正義曰令犍為自葆及守而漸修成其郡縣

元狩元年博望侯張騫使大夏來言居大夏

時見蜀布邛竹杖韋昭曰邛縣之竹屬蜀瑣日邛山名此竹節高實中

可作使問所從來曰從東南身毒國徐廣曰字或作

竺漢書直云身毒史記一本作乾毒駟案漢書音義曰一名天竺則浮屠胡是也○索隱

日身音捐毒音篤小類亦曰捐篤也可數千里得蜀賈人市或

聞邛西可二千里有身毒國騫因盛言大夏

在漢西南慕中國患匈奴隔其道誠通蜀身

毒國道便近有利無害於是天子乃令王然

于柏始昌呂越人等使間出西夷西指求身

毒國至滇滇王嘗羌徐廣曰嘗一作賞乃留為求道

西十餘輩歲餘皆閉昆明如淳曰為昆明所閉道○正義曰昆

明在今雋州南昆縣是也莫能通身毒國滇王與漢使者

言曰漢孰與我大及夜郎侯亦然以道不通

周書一師古曰求
而由也
漢書作當羌師
滇王名

故各自以為一州主不知漢廣大使者還因
盛言滇大國足事親附天子注意焉及至南
越反上使馳義侯因犍為發南夷兵且蘭君
恐遠行旁國虜其老弱索隱曰且音子餘反小國名也後為縣屬
牂乃與其眾反殺使者及犍為太守漢乃發
巴蜀罪人當擊南越者八校尉擊破之會越
已破漢八校尉不下即引兵還行誅頭蘭索隱曰即且蘭也頭蘭常隔滇道者也已平頭蘭遂平

南夷為牂牁郡夜郎侯始倚南越南越已滅
會還誅反者夜郎遂入朝上以為夜郎王南
越破後及漢誅且蘭邛君并殺筰侯丹駝皆
振恐請臣置吏乃以邛都為越雋郡筰都為
沈犁郡丹駝為汶山郡應劭曰今蜀郡岷江廣漢西白
馬為武都郡上使王然于以越破及誅南夷
其威風喻滇王入朝滇王者其眾數萬人其
旁東北有勞漫靡莫皆同姓相扶未肯聽勞

扶
李
杖

漫靡莫數侵犯使者更卒元封二年天子發

巴蜀兵擊滅勞漫靡莫索隱曰二國同姓以兵臨

滇滇王始首善以故弗誅滇王離難西南夷

舉國降請置吏入朝於是以為益州郡賜滇

王王印復長其民西南夷君長以百數獨夜

郎滇王受王印滇小邑最寵焉亦對世

太史公曰楚之先豈有天祿哉在周為文王

師封楚及周之衰地稱五千里秦滅諸侯唯

楚苗裔尚有滇王漢誅西南夷國多滅矣唯

滇復為寵王然南夷之端見拘醬番禺大夏

杖邛竹西夷後揃剽分二方史記音義曰音

謂被分割也剽音正妙反言西夷後被揃率

割遂剽居西南二方各屬郡縣剽亦分義

為七郡徐廣曰捷為犍柯越雋益

索隱述贊曰

西南外徼 莊躋首通 漢因大夏

乃命唐蒙 勞漫靡莫 異俗殊風

夜即最大 邛笮稱雄 及置郡縣 萬代推功

西南夷列傳第五十六 史記一百一十六

漢書列傳 二十七

司馬相如列傳第五十七 史記一百一十七

索隱曰右不宜 在西夷之下

司馬相如者蜀郡成都人也字長卿少時好

讀書學擊劍索隱曰呂氏春秋劍伎云持短

論云餘好擊劍故其親名之曰犬子索隱曰

愛而字相如既學索隱曰案秦密云文慕藺

相如之為人更名相如以質為郎事孝景帝

為武騎常侍索隱曰張揖曰秩六百石常侍從格猛獸非其好也

師古曰擊劍者以劍遙擊而中非刺也

會景帝不好辭賦是時梁孝王來朝從游說之士齊人鄒陽淮陰枚乘吳莊忌夫子之徒

徐廣曰名忌字夫子○索隱曰案鄒陽傳云枚先生嚴夫子則此夫子是美稱時人以爲號爾而徐廣云字爲非漢書作嚴忌者相如案忌本姓莊避明帝諱莊改姓嚴也

見而說之因病免客游梁梁孝王令與諸生

同舍相如得與諸生游士居數歲乃著子虛

之賦會梁孝王卒相如歸而家貧無以自業

素與臨邛令王吉相善吉曰長卿久宦遊不

遂而來過我於是相如往舍都亭索隱曰案臨邛郭下

之亭也臨邛令繆為恭敬日往朝相如相如初

尚見之後稱病使從者謝吉吉愈益謹肅臨

邛中多富而卓王孫家僮八百人程鄭亦

數百人二人乃相謂曰今有貴客為具名之

并名令既至卓氏客以百數至日中謁司

馬長卿長卿謝病不能往臨邛令不敢嘗食

自往迎相如相如不得已彊往一坐盡傾酒

酣臨邛令前奏琴曰竊聞長卿好之願臣自

娛相如辭謝為鼓一再行索隱曰案古樂府

曲引也此言鼓一是時卓王孫有女文君新

寡好音故相如繆與令相重而以琴必挑之

郭璞曰以琴中音挑動之○索隱曰張揖云

挑燒也以琴中燒也挑音徒了反燒音如了

反其詩曰鳳兮鳳兮歸故鄉遊遨四海求其

皇有一艷女在此堂室邇人遐毒我腸何由

交接為鴛鴦也又曰鳳兮鳳兮從皇栖得托

子尾永為妃交情通體必和諧中夜相從別

誰相如之臨邛從車騎雍容間雅甚都韋昭

琴文君竊從戶窺之心悅而好之恐不得當

也既罷相如乃使入重賜文君侍者通殷勤

文君夜亡奔相如索隱曰郭璞云相如乃與

馳歸成都家居徒四壁立郭璞曰言貧窮也

曰女至不材我不忍殺不分一錢也人或謂

王孫王孫終不聽文君久之不樂曰長卿第

之

讀曰閑甚得新色之容也郭璞曰都猶姣也詩曰恂美且都

又飲卓氏弄

祥云從空也家空無資儲但有卓王孫大怒四壁而已言就此中以安立也

郭璞曰言貧窮也索隱曰案孔文

索隱曰言貧窮也

索隱曰言貧窮也

史記卷五十七

三

俱如臨邛索隱曰文穎云第且也郭璞云第發語之急耳如往從昆弟

假貸猶足為生何至自苦如此相如與俱之

臨邛盡賣其車騎買一酒舍酤酒而今文君

當鑪卓昭曰鑪酒肆也以相如身自著犢鼻

褌韋昭曰今三尺作形如犢鼻矣稱此者與

保庸雜作方言四保庸調之滌器於市中韋昭

曰瓦器也每食必滌溉者卓王孫聞而恥之為杜門不出

昆弟諸公郭璞曰諸公父行也更謂王孫曰有二男兩

女所不足者非財也今文君已失身於司馬

長卿長卿故倦游郭璞曰厭雖貧其人材足

依也且又令客獨奈何相辱如此卓王孫不

得已分子文君僮百人錢百萬及其嫁時衣

被財物文君乃與相如歸成都買田宅為富

人居久之蜀人楊得意為狗監待上郭璞曰主獵犬

也上讀子虛賦而善之曰朕獨不得與此人

同時哉得意曰臣邑人司馬相如自言為此

賦上驚乃名問相如相如曰有是然此乃諸

侯之事未足觀也請為天子游獵賦賦成奏

之上許令尚書給筆札相如以子虛虛言也

為楚稱郭璞曰稱烏有先生者徐廣曰烏烏

有此事也為齊難郭璞曰詰無是公者無是

人也明天子之義郭璞曰以為故空藉此三

人為辭索隱曰藉音假以推天子諸侯之苑

囿其卒章歸之於節儉因以風諫奏之天子

子虛賦

天子大說其辭曰楚使子虛使於齊齊王悉

發境內之士備車騎之衆與使者出田田罷

子虛過詫烏有先生郭璞曰詫誇也音託夏

音勅而無是公在焉坐定烏有先生問曰今

日田樂乎子虛曰樂獲多乎曰少然則何樂

曰僕樂齊王之欲夸僕以車騎之衆而僕對

以雲夢之事也曰可得聞乎子虛曰可王駕

車千乘選徒萬騎田於海濱列卒滿澤眾罔

彌山郭璞曰罽置也音停○正義曰說文揜

兎麟鹿射麋脚麟徐廣曰麟音吝駟索郭璞曰脚揜也○索隱

割鮮漆輪郭璞曰鹽浦海邊地多鹽鹵鮮生反搗之於輪鹽而食之驚馳也音務○索隱

中獲多矜而自功顧謂僕曰楚亦有平原廣

澤游獵之地饒樂若此者乎楚王之獵何與

寡人郭璞曰與猶如也僕下車對曰臣楚國之鄙人

也幸得宿衛十有餘年時從出游游於後園

覽於有無然猶未能徧觀也又惡足以言其

外澤者乎齊王曰雖然略以子之所聞見而

言之僕對曰唯唯臣聞楚有七澤嘗見其一

未觀其餘也臣之所見蓋特其小小者耳索隱

曰郭璞曰名曰雲夢索隱曰褚詮音亡棟反特獨也

叔敖激沮水作此澤張揖云楚藪也在南郡

華容縣郭璞曰江夏安陸有雲夢城南郡枝

江亦有雲夢城華容縣又有巴丘湖俗云即

古雲夢澤也則張揖云在華容者指此湖也

今案安陸東見有雲夢城雲夢縣而枝雲夢江亦有者蓋縣名遠取此澤故有城也

者方九百里其中方山焉其山則盤紆第鬱

隆崇嶽峯岑巖參差日月蔽虧漢書音義曰高山壅蔽日

月虧缺半見○索隱曰案漢書注此卷多不題注者姓名解者云是張揖亦兼有餘人也

交錯糾紛上干青雲罷池陂陲下屬江河其

土則丹青赭堊徐廣曰一作瑕○索隱曰張揖云赭赤土出少室山堊白

堊本草云一名白塔也雌黃白垺徐廣曰音符駟案漢書音義曰白符白石

英也○索隱曰白垺出魯陽山蘇林音附○正義曰藥對曰雌黃出武都山谷與雄黃同

山錫碧金銀正義曰顏云錫青金也碧謂玉之青白色者也衆色炫

耀照爛龍鱗郭璞曰如其石則赤玉玫瑰

日赤瑾也見楚辭玫瑰石珠也琳瑯琨瑀漢書音義曰琳球也珉石次玉者琨

瑀山名也出善金尸子曰昆吾之金者○索隱曰司馬彪曰琨瑀石之次玉也河圖云流

州多積石名琨瑀石鍊之成鐵以作瑊玕玄

厲徐廣曰瑊音古咸反瑊音勒皆次玉者駟案漢書音義曰玄厲黑石可用磨者也

瑱石武夫徐廣曰石似玉駟案漢書音義曰瑱石出鴈門武夫出長沙也其

東則有蕙圃衡蘭芷若射干穹窮昌蒲漢書音義

正義曰武夫赤地白米葱龍白黑不分出長沙

曰衡杜衡也其狀若葵其臭如麝蕪芷白芷若杜若○索隱曰司馬彪云蕪香草也本草云薰草一名蕪廣志云蕪草綠葉紫莖魏武帝以此燒香今東下田有草莖葉似麻其華正紫也張揖云衡杜衡東下田有草生天帝之山案山海經云藥如葵臭如麝蕪可以走馬博物志云一名土杏味亂細辛葉似葵故藥對亦以為似細辛也蘭秋蘭本草云芷一名蕪卑蒼去齊蔭一曰器字林曰蔭音昌亥反又音昌里反置音次高反本草又曰杜若一名杜衡今杜若葉似薑而有文理莖葉皆有長毛古今名號不同故其所呼別也廣雅云烏蓬射干本草名烏扇也司馬彪云芎藭似藁本郭璞云今歷陽呼為江離淮南子云夫亂入者若芎藭江離麝蕪諸蕪傳且徐廣曰蕪之與藁本也

沃反騶索漢書音義曰江離香草麝蕪蕪芷也似蛇床而香諸蕪其柘也傳且蕪荷也○索隱曰吳錄曰臨海縣開水中生江離正青似亂髮即離騷所云者是也廣志云赤葉紅華則與張勣所說又別案今芎藭苗曰江離綠葉白華又不同樊光曰藁本一名麝蕪根名新芷藥對以為藁蕪一名江離芎藭苗也則芎藭藁本江離麝蕪並相似備是一物也傳音普各反且音子餘反漢書作巴且文穎云巴蕉也郭璞以為藁荷屬未知孰是其南則有平原廣澤登降陞靡靡案衍壇曼索隱曰司馬彪云案衍窳下壇曼緣以大江平博也衍音弋單反壇音徒且反緣以大江限以巫山郭璞曰巫山今其高燥則生葳蕤

苞荔

徐廣曰歲音針馬藍也蕪或曰草生水中華可食荔音力詣反草似蒲駟案漢

書音義曰苞蔗也○索隱曰蕪音斯郭璞云歲酸醬江東名烏歲析漢書作斯孟康云斯

禾似燕麥廣志云涼州地生薛莎青頰徐廣

音先結反駟案漢書音義曰薛賴蒿也莎鑄侯也青頰似莎而大也音頰其卑溼

則生藏葭兼葭東蕃雕胡

徐廣曰烏桓國有蕃似蓬草實如葵

子十日熟駟案漢書音義曰藏似龍而葉大葭葭尾草也葭葭也葭蘆也○索隱曰卑音

婢卑下也郭璞云葭尾似茅葭葭音葭加孟康云燕葭似蘆也郭璞云葭葭也似葦而細

小江東人呼為葭蒿又云葭蘆也似葦而細小江東人呼為烏燕龍音五患反蔽音敵廣

志云東蕃子色青黑河西記云貨我東蕃償我白梁也雕胡謂菰米蓮藕菰蘆

徐廣曰生水中○索隱曰菴蘭軒芋漢書音郭璞云菴菴也蘆葦也菴菴軒芋義曰奄

閭蒿也軒芋菴草也○索隱曰郭璞云菴菴菴子可療病也軒芋生水中今揚州有也衆

物居之不可勝圖郭璞曰其西則有湧泉清

池激水推移外發芙蓉菱華內隱鉅石白沙

其中則有神龜蛟鼉正義曰郭注山海經云蛟似蛇而四脚小細頭

有白嬰大者數十圍卵生子如一二斛瓮瑋吞人鼉似蜥蜴而大身有甲皮可以冒鼓瑋

瑋正義曰似甬鰐甲有文鼉鼉其北則有陰瑋出南海可以飾器物也

林巨樹郭璞曰林在北陰地梗枏豫章郭璞曰梗枏似桑豫章大木也生七年乃可知也○正義曰按濕活人云豫今之枕木也章今之樟木也

也二木生至七年桂椒正義曰郭璞云桂似枕樟乃可分別

而不著子藜生巖嶺間無雜木冬夏常青按今諸寺有桂樹葉若枇杷而小尤靜冬夏常

青其皮不中食蓋木蘭正義曰廣雅云似桂是二色桂樹也

似冬青實如小甘辛藥離朱楊徐廣曰藥音美南人以爲梅也

郭璞曰木蘭樹皮辛香可食漢書音義曰離山梨朱楊赤楊也○索隱曰郭璞云朱楊赤

莖柳生水邊爾雅檀樹檉栗橘柚芬芳徐廣曰檉云檉河柳是也

音郢爾雅案漢書音義曰檉檉棗也○正義曰小曰橘大曰柚樹有刺冬不凋葉青花白子

黃亦二樹相其上則有赤獲蠿蠿徐廣曰音似非橙也

義曰蠿蠿劬蠿蠿鴉鷄孔鸞騰遠射干郭璞曰

屬也孔孔雀鸞鸞鳥也漢書音義曰騰遠鳥名射干似狐能緣木○索隱曰孟康云騰遠

鳥名非也司馬彪云騰遠蛇也其下則有白

虎玄豹猥龜豸郭璞曰猥似狸而大漢書音義曰豸胡地野犬似狐而小也○索隱曰應劭云豸音頽韋服曰音岸鄒誕生音苦姦反協音

是兕象野犀正義曰兕狀如水牛象大獸長

野犀

野犀

似猴一角在額漢書無此一句也窮奇攪楚於是乃使專諸

之倫手格此獸楚王乃駕馴駁之駟漢書音馴義曰馴

擾也駁如馬白身黑尾一角鋸牙食虎而駕之以當駟馬也乘離王之輿

靡魚湏之橈旃郭璞曰以海魚須為旄旌也

明月之珠旗漢書音義曰以明月珠綴飾旗建干將之雄戟

漢書音義曰干將韓王劍師雄戟胡中有能干將所造也○索隱曰應劭曰干將具善冶

者姓如淳曰干將鐵所出晉灼曰闔閭鑄干將劍應劭說是方言云戟中小子刺者所謂

雄戟也周處風土記云戟為五兵雄也龍音巨案周禮治氏為戈胡三之注云胡其子也

又周禮圖謂戟反曲下為胡也左烏皐之雕弓索隱曰張揖云黃帝乘龍

上仙小臣不得上挽持龍髯髯拔墮黃帝弓群臣抱弓而號故名烏號見封禪書及郊祀

志文又韓詩外傳云弓工之妻曰此弓是太山南烏號之柘案淮南子云烏號柘桑其材

堅勁烏棲其上將飛枝勁復起標呼其上伐取其材為弓因曰烏號古史考風俗通皆同

此說也右夏服之勁箭徐廣曰韋昭云夏夏羿也

步又謂之服也○索隱曰案夏羿善射者又服箭之室故云夏服又夏后氏有良弓名繁

弱其矢亦良即陽子驂乘織阿為御漢書音義曰陽

子仙人陽陵子織阿月御也韋昭曰陽子古賢也○索隱曰張揖云陽子伯樂也孫陽字

伯樂秦繆公臣善御者也或曰纈阿美女於
好貌又樂彥曰纈阿山名有女子處其叢月
歷數度躍八月中因為月御也郭璞云纈阿
也郭璞云纈阿古之善御者案節未舒曰郭
璞曰言頓轡也司馬彪云案轡而行得節即
故曰案節馬足未展故曰未舒亦為得也即
陵狡獸麟邛邛蹏距虛而青距虛即邛邛蹏
文互言之穆天子傳曰邛邛野馬而轉駒駘
邛距虛日走五百里也郭璞曰野馬如馬而小
徐廣曰轉音銳駒案郭璞曰野馬如馬而小
駒駘似馬轉車軸頭○索隱曰轉音衛謂軸
頭轉而殺之駒音陶駘音塗乘遺風而射游騏
里馬爾雅曰騏如馬一角不角者騏也○索
隱曰呂氏春秋云遺風之乘古今注曰秦始

皇馬名韋昭曰騏如馬無角非騏驎之騏騏音騏

見反利音力詣反駒案漢書音義曰皆疾貌雷動燦至星流霆擊

弓不虛發中必決皆韋昭曰在日所指也洞宵

達腋絕乎心繫獲若兩獸揜草蔽地於是楚

王乃弭節裴回郭璞曰或云節今之所杖信

猶低翱翔容與索隱曰郭璞覽乎陰林觀壯

士之暴怒與猛獸之恐懼微飢受飢徐廣曰

則案郭璞曰飢疲極也飢盡也言獸有倦游者則微而取之○索隱曰司馬彪云微遮也

劬倦也。謂遮其倦者。劬音劇。詘音屈。說文云。劬。勞也。燕人謂勞為劬。微音古。堯反。彈。

睹衆物之變態。於是鄭女曼姬。郭璞曰。曼姬。謂鄭曼姬。姬。

人之忽稱。正義曰。文類云。鄭國出好女。曼者。其色理。粵澤也。如淳云。鄭女曼姬也。粵姬。

楚武王被阿錫也。漢書音義曰。阿。細縐也。錫。布夫人。鄴。阿錫也。正義曰。按東阿出縐也。

榆紵縞。徐廣曰。榆音史。正義曰。榆。曳也。韋。支也。雜織羅。郭璞曰。言細如縠。縠。積寒。

縞。鮮也。雜織羅。郭璞曰。言細如縠。縠。積寒。支也。雜織羅。郭璞曰。言細如縠。縠。積寒。

縞。鮮也。雜織羅。郭璞曰。言細如縠。縠。積寒。支也。雜織羅。郭璞曰。言細如縠。縠。積寒。

其縞中。文理弗鬱迴曲。有似於谿谷也。索隱曰。小類云。此說非也。縠。積。今之帛。搆。古謂。

之皮弁素積。是也。蘇林曰。褰縞。縮蹙之也。縞。音側。救反。黼音助。革反。裁音在。代反。曲。字林。

音丘。粉粉袞袞。義曰。郭璞曰。衣長貌。正。欲反。粉粉袞袞。義曰。郭璞曰。衣長貌。正。

揚袍。郵削。徐廣曰。袍音迤。衣袖也。郭璞曰。索隱曰。張揖云。揚舉也。郵削。刻除貌也。蜚織。郭璞曰。織音莢。綢。

郵削。刻除貌也。蜚織。郭璞曰。織音莢。綢。郵削。刻除貌也。蜚織。郭璞曰。織音莢。綢。

飾鬢髻。扶輿。猗靡。郭璞曰。淮南所謂曾折摩。音義曰。翕。呼。衣。裳。張。起也。萃。蔡。衣。聲也。索。

隱曰。卓。昭。云。呼。音。呼。甲。反。郭璞云。萃。蔡。猶。瓘。音義曰。翕。呼。衣。裳。張。起也。萃。蔡。衣。聲也。索。

瓘也。○正義曰。呼。次。甲。下。摩。蘭。蕙。上。拂。羽。蓋。反。萃。音。翠。蔡。千。賄。反。

瓘也。○正義曰。呼。次。甲。下。摩。蘭。蕙。上。拂。羽。蓋。反。萃。音。翠。蔡。千。賄。反。

乘揚桂柁徐廣曰音曳駟案張翠帷建羽蓋

岡瑋瑁鈞紫貝郭璞曰紫質黑文也○正義曰毛詩蟲魚疏云貝水之介

蟲大者蛻音下即反小者為貝其白質如玉紫點為文皆成行列當大者徑一尺小者七

八寸今九真交趾以為杯盤實物也貨殖傳云貝寶龜是

漢書音義曰擬擗人歌郭璞曰唱擗歌聲流擗也籟簫也

喝徐廣曰鳥邁反水蟲駭波鴻沸涌泉起奔揚會

石相擊破破礚礚若雷霆之聲聞乎數百里

之外將息獠者擊竄鼓郭璞曰靈鼓六面也起烽燧車

案行騎就隊纏乎淫淫班乎裔裔郭璞曰皆羣行貌也

於是楚王乃登陽雲之臺徐廣曰宋王游於陽雲之臺

郭璞曰璞日在雲夢之中泊乎無為澹乎自持勺藥之和

具而後御之郭璞曰勺藥五味也不若大王終日馳騁

而不下興將割輪淬自以為娛徐廣曰淬十

璞曰將音齋也臣竊觀之齊殆不如於是王

默然無以應僕也烏有先生曰是何言之過

也足下不遠千里來况齊國郭璞曰言有惠况也王悉

發境內之士而備車騎之衆以出田乃欲戮
力致獲以娛左右也何名為夸哉問楚地之
有無者願聞大國之風烈先生之餘論也今
足下不稱楚王之德厚而盛推雲夢以為高
奢言浮樂而顯侈靡竊為足下不取也必若
所言固非楚國之美也有而言之是章君之
惡無而言之是害足下之信章君之惡而傷
私義二者無一可而先生行之必且輕於齊

而累於楚矣且齊東有巨海

索隱曰有作隋蘇林云隋音清

小州曰渚謂東南有大海之渚也

南有琅邪

郭璞曰山名在琅邪縣界○正義曰

山名在密州東南百三十里琅邪臺在山上

觀乎成山

徐廣曰在東萊不夜

縣○索隱曰張揖云觀闕也於山上築宮闕郭璞言在小遊觀音一喚反○正義曰封禪

書云成山斗入海言上山觀也括地志云成山在萊州文登縣東北百八十里也

射

乎之罘

漢書音義曰之罘山在牟平縣射獵其上也○正義曰括地志云罘山在

萊州文登縣西北百九十里言射獵其上也罘音浮也

浮勃瀕

漢書音別技名也○索隱曰案齊都游孟諸郭璞曰賦云海傍曰勃瀕水曰瀕也

澤名○正義曰周禮職方氏青州正義曰邪與肅慎

為鄰正義曰邪謂東北接之括地志云韃韃

四百里南去扶餘千五百里東及北各極大海也

日言右者北向天子也海外經云湯谷在黑

齒北上有扶桑木水中十月所落張揖云日

所出也詳慎秋田乎青丘傍徨乎海外正義

云熱如湯詳慎秋田乎青丘此五字里無之可考

虞云青丘國在湯東三千里郭璞云青丘吞

山名上有田亦有國出九尾狐在海外吞

若雲夢者八九其於胸中曾不帶芥索隱曰

帶芥刺鯁也郭璞云言不覺有若乃倣儻瑰偉異方珠類珍

怪鳥獸萬端鱗萃充仞其中者不可勝記禹

不能名契不能計正義曰禹為堯司空辨九

為司徒敷五教主四方會計然在諸侯之位

言二人猶不能名計其數

不敢言游戲之樂苑囿之大先生又見客索隱

日先生指子虛也如淳曰見賓客禮待是以

月七日 詳慎 詳慎

者非為財幣所以述職也郭璞曰諸侯朝於天子曰述職言述

所職見孟子封疆畫界者非為守禦所以禁淫也郭璞曰禁絕淫放也

今齊列為東藩而外私肅慎捐國踰限越海而田其於義故未可也且二君之

論不務明君臣之義而正諸侯之禮徒事爭

游獵之樂苑囿之大欲以奢侈相勝荒淫相

越此不可以揚名發譽而適足以貶君自損

也且夫齊楚之事又焉足道邪君未睹夫巨

麗也獨不聞天子之上林乎左蒼梧右西極

上林賦

郭璞曰西極國也○正義曰文穎云蒼梧郡屬交州在長安東南故言左爾雅云西至於

幽國為極在長安西故言右丹水更其南漢書音義曰丹水出上洛冢領

山紫淵徑其北郭璞曰紫淵所未詳○正義曰山海經云紫淵水出根眷

之山西流注河文穎云西河穀羅縣有紫終澤其水紫色注亦紫在縣北於長安為北終

始霸澹出入涇渭索隱曰張揖曰霸出藍田西北而入渭澹亦出藍田

谷北至霸陵入霸霸澹二水盡於死中不出故云終始也涇渭二水從死外來又出死去

也涇水出安定涇陽縣井頭山東至陽陵入渭渭水出隴西首陽縣鳥鼠山東北至華陰

也

入鄠鄠潦瀟郭璞曰皆水流貌音決○索隱
河張揖曰鄠水出鄠縣南山
谷北入涇渭鎬水在昆明池北郭璞云鎬水
豐水下流也應劭云潦流也瀟瀟出聲也按
浪揖云瀟水出南山姚氏云潦或作瀟瀟水
出鄠縣北注渭瀟水出杜陵今名次水自南
山皇子陂西北流注昆明池入渭案此下文
八川分流則從涇渭霸瀟豐鎬潦瀟為八晉
灼則云計從丹水以下至瀟除潦為行潦凡
九從云瀟以下為數凡七案今瀟既是水名
除丹水紫淵自霸以下通數適足八川是經
管乎其內也又瀟岳關中記曰涇渭霸瀟豐
鎬瀟瀟上林賦所謂八川分流也
紆餘委蛇經營乎其內瀟
瀟兮八川分流相背而異態郭璞曰八東西

南北馳驚往來出乎椒丘之闕行乎洲淤之

浦郭璞曰椒丘丘名言有巖闕也見楚詞淤
浦亦州名蜀人云見方言○索隱曰服虔云

丘名也案兩山俱起象雙闕故云椒丘之闕
楚詞曰馳椒丘且鳥止息是也如海云丘多

椒也郭璞曰桂林林名徑乎桂林之中郭璞曰桂林林名過乎決

菴之野漢書音義曰山海汜乎渾流順阿而

下郭璞曰赴隘陝之口觸穹右激堆埼郭璞

隆大石貌堆沙堆沸乎暴怒洶涌滂瀆洶音

反涌音勇旁音浦橫反瀆音浦拜反○索隱
曰司馬彪曰洶湧跳起貌滂瀆波相激也湧

漢書注
作戾

決音
反

地令平，貫山所掩，以綠蕙。正義曰：張云：綠，王謂隱以金椎也。

云：綠蕙，言蕙草色綠耳，非王。被以江離，糝以

麝。燕正義曰：糝，雜以流夷。漢書音義曰：專，結

縷，徐廣曰：專，古布字。一作怖，郭案：漢書音義

攢，疾莎，徐廣曰：草。揭車，衡蘭，橐本射干，徐廣

射干，十月生，皆香草。○索隱曰：案，桐君藥錄

似穹菊。菴薑，藁荷，索隱曰：張揖云：菴薑，子薑

菴薑，音紫。○正義曰：藁，人羊反，柯根旁。葳橙

若蓀，郭璞曰：葳，未詳。橙，柚。若蓀，香草也。○索

漢書作葳，持小顏云：葳，寒漿也。持當為苻字

之誤。爾苻，鬼目也。案今讀，者亦呼為登，謂登

草也。姚氏云：蓀草，似昌蒲而鮮枝黃礫，郭璞

無脊也。生溪澗中。蓀音孫。鮮枝黃礫，曰皆

未詳。○索隱曰：張揖云：皆草也。司馬彪云：鮮

支，即今支子，或云鮮支，亦香草也。小顏云：黃

礫者，黃屑。蔣苕青蘋，徐廣曰：苕音竹，郭案：漢

烈

日：蘋音煩。布獲，閑澤。延蔓，太原。麝靡，廣衍。應

風披靡，吐芳揚烈。郭璞曰：香。郁郁斐斐，衆香

發越，彤蠻布寫，晻曖苾勃。正義曰：暗曖，奄愛

也詩云苾苾芬芬氣也於是乎周覽泛觀瞻盼軋洑廣

日滇音丑人反盼一作緡芒芒恍忽視之無

端察之無崖日出東沼入於西陂索隱曰張

出苑之東池暮入其南則隆冬生長踊水躍

波獸則獮旋獮犛徐廣曰獮音容獸類也犛

其犛牛獮似熊庫脚銳頭犛牛黑色出西南

徽外也○索隱曰郭璞云獮犛牛領有肉堆

即今之犛牛也張揖云犛犛牛其狀如牛而

食銅鐵音陌犛音狸又音某沈牛塵麋漢書

或以為猫牛毛可為翹是也

日沈牛水牛也○正義曰赤首園題郭璞曰

塵似鹿而大按麋似水牛

所未窮奇象犀漢書音義曰窮奇狀如牛而

索隱曰郭璞云象大獸長鼻牙長其北則盛

一丈犀頭似猪庫脚一角在頭也

夏含凍裂地涉冰揭河郭璞曰言水漫凍不

獸則麒麟角觶郭璞曰角觶音端似猪角在

日駒駢挑徒二音橐音託駝徒河反於是乎

離宮別館彌山跨谷正義曰彌蒲也跨猶騎也言官館蒲山又跨谿

也高廊四注重坐曲閣郭璞曰重坐重軒也曲閣閣道曲也華

棖壁璫索隱曰韋昭曰裁玉為壁以當棖頭司馬彪曰以壁為瓦之當也輦

道纒屬步擱周流長途中宿郭璞曰途樓閣間陞道中宿言

也長遠夷婁築堂繫臺增成巖突洞房索隱曰峻山名

成在巖穴底為室潛通臺上者○索隱曰服

虔曰平山以為堂也張揖云重累而成之故曰曾成突音一帛反釋名以為突幽也楚

誦云冬有突屢室寒俛杳眇而無見仰攀撩

而捫天奔星更於閶闔宛虹拖於梢軒徐廣曰楯

音食尹反○正義曰拖音徒我反顏云宛虹

屈曲之虹拖謂中加於上也楯之闌板也

言室宇之高故青蚪蚪於東箱正義曰蚪

星虹得經加之力糾象輿婉蟬於西清漢書音義曰山出象

西清西箱清淨地也○正義曰婉蟬宛

靈圍善二音顏云蚘蟻婉蟬皆行動之貌也靈圍

燕於間觀郭璞曰靈圍淳圍僊人名也○索

云騎飛龍從倭佺之倫暴於南榮漢書音義淳圍是也

軒

人名也。○索隱曰：羊昭云：古滬人姓陸，列僊傳云：槐里採藥處也。食松形體生毛數寸，方眼能行，速走馬也。應劭曰：南榮屋檐兩頭，如翼也。故鄭玄云：榮屋翼也。七誘云：飛榮似鳥，寄是也。暴腹。醴泉涌於清室，通川過乎中庭。

槃石振崖。徐廣曰：振音脣。○索隱曰：如淳曰：振音振，振盛皮也。李奇云：振，整也。

整頓池外之。嶽巖倚傾，嵯峨礧礧。徐廣曰：我崖音之，忍反。○索隱曰：埋蒼云：礧，礧高。

音難，礧音五合反。○索隱曰：埋蒼云：礧，礧高貌也。礧音士，劫反。礧音揖反，又字林音礧，才。

匣反。礧音五。市反。刻削崢嶸。正義曰：郭璞云：言玫瑰碧。

琳珊瑚叢生。正義曰：郭璞曰：珊瑚生水底石邊，大者樹高三尺餘，枝格交錯。

無有璿玉旁唐。索隱曰：郭璞云：璿，璿廣葉者。璿玉旁唐，言盤薄。

日瑣音拂。赤瑕駁筴。索隱曰：說文云：瑕，玉之翫音班。赤，赤色。張揖曰：赤玉也。

司馬彪云：駁，筴采。雜甫其間。徐廣曰：雜，一云點也。筴音洛角反。甫，甫插，一云還。

垂綏琬琰和氏出焉。徐廣曰：垂，綏一作朝采。琬，琬案郭璞曰：級，豕竹書。

日：桀伐岷山得女二人，曰琬，曰琰。桀愛二女，斲其名于苕華之玉。苕是琬，華是琰也。於

是乎。盧橘夏孰。郭璞曰：今蜀中有給客橙，似實相繼，或如彈丸，或如拳，通歲食之，即盧橘也。○索隱曰：應劭云：伊尹書曰：果之美者，其

山之東，青馬之所有。盧橘夏熟，晉灼曰：此雖賦上林，博引其方，珍奇不係於一也。索廣州

賦上林，博引其方，珍奇不係於一也。索廣州

記云盧菴皮厚大小如其酢多九月結實正赤明年二月更青黑孰吳錄云建安有橘冬月樹上覆裏明年夏色變青黑其味甚甘美盧即黑色是也黃甘橙接廣

曰音淡枇杷檨柿徐廣曰檨音而善反果也橘屬索隱曰檨音而善反果也

香草也韋昭曰檨音汝蕭反郭璞云檨支木也檨音烟此說為近說文曰檨酸小棗也淮南子云伐檨棗檨檨厚朴徐廣曰檨音亭山以為棗音動

虞曰上黨謂之檨檨齊都賦檨棗楊梅徐廣云檨檨熱也厚朴藥名也檨棗楊梅曰檨

音弋井反檨棗似柿○索隱曰張揖曰檨梅實似穀子而有核其味酢出江南荆揚異物志其實外內著核熟櫻桃蒲陶郭璞曰蒲陶時正赤味甘酸也

酒也○索隱曰張揖云櫻桃一名含桃呂氏春秋云鶯鳥所含故曰含桃爾雅謂之荆桃也

隱夫鬱棗搭椽荔枝徐廣曰鬱一作奠搭音杏隱夫未聞○索隱曰晉灼曰荔枝大如車下李也棗實似櫻桃搭椽似李棗音速儼

雞子皮麤剥去皮肌如雞子中黃其味甘多酢少廣志云樹高五六丈如桂樹綠葉冬夏青茂有華朱色荔字羅平後宮列乎北園鮑

或作離音力致反下平原楊翠葉杌紫莖郭

丘陵郭璞曰鮑猶

曰杌發紅華秀朱榮煌煌扈扈照曜鉅野沙

搖也

棠櫟櫛漢書音義曰沙棠似棠黃華赤實其味如李呂氏春秋曰果之美者沙棠

楊下楊

棠櫟櫛漢書音義曰沙棠似棠黃華赤實其味如李呂氏春秋曰果之美者沙棠

棠櫟櫛漢書音義曰沙棠似棠黃華赤實其味如李呂氏春秋曰果之美者沙棠

之實，櫟果名，猶似。華沘，樺櫪。徐廣曰：沘一作

義曰：華，木皮，可以為索也。○索隱曰：古今字。

有脂而香，樺為舍人曰：楓為樹，厚葉弱莖，大

風則鳴，故曰：攝樺，攝樺平仲木也。亦云：火橐

木一云：玉精，食其子得為神仙也。留落，胥餘，仁，頻，弁，閭。徐廣

一，一作：賓，駟，案郭璞曰：落，獲也。胥餘，似弁，閭，弁

間，搜也。皮可作索，餘未詳。○索隱曰：胥，灼曰

留，闕未詳。司馬彪云：胥，邪樹，高十尋，葉在其

未，異物志：實大如瓠，繫在顛，若挂物，實外有

皮，中有核，如胡桃，核裏有膏，厚羊寸，如猪膏

裏，有汁，斗餘，清如水，味美於蜜也。孟康曰：仁

頻，獲也。姚氏云：擯，一名：搜，即：仁，頻。擣檀木蘭

也。林邑記云：樹葉似甘蕉，頻音實。擣檀木蘭

豫章女貞。漢書音義曰：擣檀，檀別名也。女貞

覽云：孔子墓後有擣檀樹也。荆州長千，何大

記：宜都有喬木，叢生，名為女貞。連抱，夸，條，直，暢，實，葉，蓂，茂，攢，立，叢，倚，連，卷，累

危，崔，錯，發，髡。古委。阮，衡，閭，何。徐廣曰：發音拔

音委，閭音惡，可反。矧音魯，可反。○索隱曰：郭

璞云：崔，錯，發，髡者，蟠髮相膠也。阮，衡，閭，何者

揭，孽，傾，垂，條，扶，於，落，英，幡，纒。郭璞曰：扶於，猶

敵貌也。垂，條，扶，於，落，英，幡，纒，扶，踈也。幡，纒，偏

幡也。音灑。○索隱曰：皆紛，容，蕭，菱，旖，旖，從，風

飛揚貌也。纒音所綺反。紛，容，蕭，菱，旖，旖，從，風

索隱曰：張揖云：灑，音所綺反。紛，容，蕭，菱，旖，旖，從，風

旖，旖，猶阿，那也。灑，音所綺反。紛，容，蕭，菱，旖，旖，從，風

灑，音所綺反。紛，容，蕭，菱，旖，旖，從，風

紛，容，蕭，菱，旖，旖，從，風

容，蕭，菱，旖，旖，從，風

蕭，菱，旖，旖，從，風

菱，旖，旖，從，風

旖，旖，從，風

旖，旖，從，風

林木鼓動之聲。濶音留。蓋象金石之聲。正

如字。如字。古井字。吸音翁。蓋象金石之聲。正義曰：廣雅云：象篴長一

石磬。管籥之音。尺圍一寸，有六孔，無底。籥

謂之笛，有七孔。說文云：籥，三孔，籥也。柴池，菑虎。徐廣曰：柴音差。

不齊也。菑音差。虎音側。氏反。旋環後宮。雜

累輯。徐廣曰：雜一作挿。被山緣谷，循阪下，際視之無

端究之無窮。於是玄猿素雌。雌，似獼猴，仰鼻

音于季反。駟索，漢書音義曰：雌，似獼猴，仰鼻而長尾。攫，以獼猴而大飛，鷗飛鼠也。其狀如

鬼而鼠首，以其顛飛也。索隱曰：郭璞曰：蠅，鼠也。紫毛赤色，飛且生。一名飛生。雌音贈。

遺之遺，蠅音誅。玄猿，猿之雄者，黑色也。素雌，猿之雌者，素色也。攫音古約反。雌，今攸尾端

為兩歧。天雨便以尾挿鼻兩孔。郭璞曰：蛭，蜎，色蒼黑，能攫搏人，故云攫也。蛭，蜎，

徐廣曰：蛭音質。駟索，漢書音義曰：山海經曰：不咸之山有飛蛭，四翼，郭璞曰：蠅，似

獼猴而黃，蛭未聞。索隱曰：張揖云：蛭，蠅也。獼猴也。顧氏云：獼音塗，阜反。山

海經云：鼻塗山下有獸，似鹿馬足，人首，四角，名為蠼，獼即此也。字或作蠼。郭璞云：蠼非也。

上已有雌，攫此不應重見。又神異經云：西方深山有獸，毛色如猴，能緣高木，其名為蠼，字

林云：蠼音伏。蠼，胡毅。蛭，徐廣曰：蠼音在，廉反。蛭，蛭，二獸名。蠼，胡毅。蛭，徐廣曰：蠼音呼，谷

反。蛭音詭。駟索，漢書音義曰：毅，白孤子也。索隱曰：張揖云：蠼，胡似獼猴，頭上有髮，膏以

索隱曰：張揖云：蠼，胡似獼猴，頭上有髮，膏以

後黑郭璞曰穀似鼯而大背以後黃一名黃

腰食獼猴蛇未聞姚氏案山經云即山有獸

狀如龜白身赤首其名曰蛇又說文云蜥

胡黑身白背若帶手有長白毛似掘板也棲

息乎其間長嘯哀鳴翮幡互經正義曰郭云

過天矯枝格偃蹇抄顛正義曰夫音妖矯音

皆後猴在樹共戲恣於是乎踰絕梁正義曰

梁斷橋也郭云騰殊榛正義曰榛仕介反爾

殊異捷垂條正義曰捷音才業反踔稀間郭

也託釣反牢落陸離爛曼遠遷正義曰郭云

也顏云言其聚散考此輩者數千百處嬉游

伴來宮宿館客庖厨不徙後宮不移正義曰

庖厨屋鄭玄注周禮云之庖言苞也苞裹

肉曰苞苴也後宮內人也言宮館各自有百

官備具於是乎宵秋涉冬天子校獵乘鑿象

六玉蚪徐廣曰以玉為飾駟案郭璞曰鑿象

客下舍

曰黃帝駕象車六交龍是也拖蜺旌正義曰拖音徒可反

采綴以縵為旌靡雲旗正義曰張云畫能

有似虹蜺氣前皮軒後道游郭璞曰皮軒革車也或曰即曲

禮前有士師則載虎皮者也道

道車游游車也。孫叔奉轡，衛公驂乘。漢書音義曰：孫叔者皆見周禮也。衛公者，衛青也。大僕御大將軍驂乘也。扈從橫行出乎

四校之中。郭璞曰：言跋扈從恣不安，鹵簿矣。○索隱曰：晉灼云：扈大也。又穎曰：凡五校，今言四者，一隨天子乘輿也。鼓嚴薄，縱獠者。漢書音義曰：鼓嚴嚴嚴

鼓也。薄鹵簿也。駟謂鼓嚴嚴於林簿之中，然後縱獠也。江河為陸，泰山為

檣。郭璞曰：檣望樓也。因山谷。車騎雷起，隱天

動地，先後陸離離散，別追淫淫，裔裔緣陵流

澤雲布雨，施生豹豹。郭璞曰：虎屬也。音毗。搏豺狼

正義曰：搏擊也。杜林云：豺似貍，白色。說文云：狼瓜。手熊羆。正義曰：張

人足黑色，羆大於熊，黃白色，皆能攀谷。足野

羊。郭璞曰：野羊如羊，千蒙鵲蘇也。徐廣曰：蘇尾

孟康云：鵲尾也。蘇折羽也。張揖云：鵲似雉，雞聞死不知，案蒙謂覆而取之，鵲以蘇為奇

故特言之，以成文耳。鵲音袴，白虎音袴。郭璞曰：袴

曷决疑注云：鳥尾為蘇也。袴，白虎音袴。郭璞曰：袴

郭璞曰：袴謂絆絡之。○索隱曰：被鹵文，著班衣

○索隱曰：輿服志云：虎賁騎跨野馬。索隱曰：跨，乘之

也。陵三變之危。漢書音義曰：三下，磧歷之抵。

幽文漢作班衣
師古曰：被謂衣
著之也。班衣亦
猛豹之皮也

史記卷一百一十五
三十一

郭璞曰磧歷阪名也○正義坻音遲磧曆淺水中沙石也坻水中高處言獵人下此也

徑陵赴險越壑厲水推蜚廉郭璞曰飛廉龍

者弄解多漢書音義曰解多似鹿而一角人君刑罰得中則生於朝廷主觸不

直者可得而弄也○索隱格瑕蛤鉷猛氏漢

音義曰瑕蛤猛氏皆獸名○索隱曰晉灼曰蝦蛤闕郭璞曰今蜀中有獸狀如熊而小毛

淺有光澤名猛氏說胃驪裏射封豕郭璞曰

文鉷小豕也音蟬馬日行萬里封豕箭不苟害解脰陷腦索隱

大猪兩音窈嫺揖云脰項也陷音苦念反亦依字讀也弓不虛發應聲而倒於

是乎乘輿彌節裴回翱翔往來睨部曲之進

退覽將率之變態然後浸潭促節索隱曰浸

也漢書作浸淫或儵變遠去郭璞曰儵音

作乘輿案節也輕禽蹇履狡獸轉白鹿捷狡兔徐廣曰轉音

○正義曰轉音備抱朴子云白鹿壽千歲蒲五百歲色純白也晉徵詳記云白鹿色若霜

不與他軼赤電遺光耀徐廣曰超陵赤電電

鹿為群追怪物出宇宙正義曰怪物謂游象飛虞也

今日宙許慎云宙舟輿所極也按詳說宙是也

彎牽也繁弱夏后氏皮弓名左傳云滿白羽

正義曰文穎云引弓盡箭鏞為射游臬櫟蜚

虛郭璞曰臬臬羊也似人長脣反踵被擇肉

後發先中命處弦矢分藝殪仆徐廣曰射淮

君然後揚節而上浮陵鷲風歷駭正義曰

從下外上故曰颺乘虛無與神俱張云虛

無寥廓與元通靈言其所乘氣之麟玄鶴亂

高故能出飛鳥之上而與神俱也麟玄鶴亂

昆雞徐廣曰麟音躡○正義曰麟音道孔鸞

促鷓鴣拂鷺鳥漢書音義曰道秦由

海經云九疑之山有五采之鳥名曰鷺鳥也

正義稍山交反京房易傳云鳳皇鴈前麟後

雞喙燕頷蛇頸龜背魚尾駢翼高丈二尺東

山經云其狀如鶴五采而首文曰經翼文曰

順背文曰義膺文曰仁股文曰信捷駕鷓掩

是鳥自歌自舞雄曰鳳雌曰皇捷駕鷓掩

焦明鳥明以鳳○索隱曰張揖云鷓明西方

表曰水鳥也○正義曰按長喙踈道蓋塗殫

翼覓尾非幽閑不集非珍物不食道蓋塗殫

揚

昆雞

徐廣曰麟音躡○正義曰麟音道孔鸞

促鷓鴣拂鷺鳥稍鳳皇

漢書音義曰道秦由反鷺鳥雞反張云由

海經云九疑之山有五采之鳥名曰鷺鳥也

正義稍山交反京房易傳云鳳皇鴈前麟後

雞喙燕頷蛇頸龜背魚尾駢翼高丈二尺東

山經云其狀如鶴五采而首文曰經翼文曰

順背文曰義膺文曰仁股文曰信捷駕鷓掩

是鳥自歌自舞雄曰鳳雌曰皇捷駕鷓掩

焦明鳥明以鳳索隱曰張揖云鷓明西方

表曰水鳥也○正義曰按長喙踈道蓋塗殫

翼覓尾非幽閑不集非珍物不食道蓋塗殫

乎北紘

郭璞曰紘維也北

率乎直指闇乎反

迴車而還招搖乎襄羊

索隱曰郭璞曰襄羊猶仿伴

降集

乎北紘方之紘曰委羽

率乎直指闇乎反

鄉蹙石闕歷封巒過雉鵠望露寒徐廣曰雄音支

漢書音義曰皆其下棠梨漢書音義曰官名在雲陽縣東南

三十息宜春正義曰括地志云宜春宮在雍州萬年西南三十里西馳

宣曲濯鷁牛首漢書音義曰宜曲宮名在昆明池西牛首池名在上林苑

登龍臺漢書音義曰觀名在豐水西北近渭掩細柳正義曰郭云觀

名在昆明觀士大夫之勤略鈞獠者之所得

獲徐廣曰鈞觀徒車之所轉轆也正義曰轆踐

乘騎之所蹂若徐廣曰蹂人反人民之所踏躡與

其窮極倦祝徐廣曰音劇驚憚惜伏不被創刃而

死者佗佗籍籍填坑滿谷揜平彌澤於是乎

游戲懈怠置酒乎昊天之上索隱曰張揖曰臺高上千皓天

也張樂乎鞞鞞之宇徐廣曰鞞音葛○索隱曰郭璞云言曠遠深貌

也撞千石之鐘立萬石之鉅建翠華之旗樹

靈鼉之鼓郭璞曰木貫鼓中加奏陶唐氏之

舞聽葛天氏之歌漢書音義曰葛天氏古帝號也呂氏春秋曰葛天

氏之樂三人操牛尾投足以歌○索隱曰張

揖曰葛天氏三皇時君號也呂氏春秋云其

文
三十一

頤正義曰鷁首之船也

樂三人持牛尾投足以歌八闋一日戴民二
日玄身三日遂草木四日奮五穀五日敬天
常六日建帝功七日依地德八日摠禽獸之極
千人唱萬人和山陵

為之震動一作勳川谷為之蕩波巴俞宋蔡

淮南于濞郭璞曰巴西閬中有俞水獠人居

三秦後使樂府習之因名巴俞舞也漢書音
義曰于濞歌曲名○索隱曰張揖曰禮樂記

云宋音冥女溺志蔡人謳負三人楚詞云文
吳謠系謳淮南負四人于濞曲是其意也

成顛歌郭璞曰未聞也○索隱曰文穎曰文

縣其人能作內兩夷歌顛即滇字族舉遞奏徐廣曰舉金鼓

迭起鏗鎗鏦洞心駭耳郭璞曰鏦音荆吳鄭

衛之聲韶護武象之樂陰淫案衍之音駟郢

繽紛激楚結風郭璞曰激楚歌曲也列女傳

日激楚急風也結風回風亦急風也楚地風
氣既自漂疾然歌樂者猶復依激結之急風

以為節其樂俳優侏儒狄鞮之倡徐廣曰韋

地名在河內所以娛耳目而樂心意者麗靡

爛漫於前索隱曰郭璞云言恣其觀也靡曼

美色於後索隱曰張揖曰靡細曼澤若夫青

琴宓妃之徒漢書音義曰皆古神女名○索

淳曰宓妃伏羲女溺死洛水遂為洛水之神宓音伏絕殊離俗郭璞曰

俗無妖冶媚都索隱曰郭璞曰於好也都雅

關而東河濟之間凡好或謂之姣音絞說文曰媚雅也或作閑漢書本作閑靚莊

刻飭便嬛婢約郭璞曰靚莊柔橈嬛嬛徐廣

娟○索隱曰柔橈嬛嬛皆骨體柔弱長艷貌也廣雅云嬛嬛猶婉婉也

娥媚婢娟徐廣曰婢音乃丹反媚音弱○索

弱也小韻曰細弱摠謂骨體也世獨蘭之愉

施徐廣曰世音曳權愉○索隱曰張揖云施袖也郭璞曰獨蘭蘭絲也埤倉云施衣長

貌也貌也眇閻易以戍削徐廣曰閻易衣長貌媠媠

徹循郭璞曰衣服娑娑貌○正義曰媠白與

世殊服芬香漚鬱酷烈淑郁皓齒粲爛宜笑

的皪索隱曰郭璞曰鮮明貌也楚詞曰美人皓齒以媠又曰娥眉笑以的皪音礫也

長眉連娟微睇繚藐索隱曰郭璞曰連娟眉曲細也綿藐視遠貌也

娟音一全反睇音色投魂與心愉於側索隱

也揖云彼色來授我我魂往與接於是酒中樂也愉音踰往也悅也二義並通

媠白服及未詳恐字誤

酣天子芒然而思似若有亡曰嗟乎此泰奢

後朕以覽聽餘間無事棄日順天道以殺伐

時休息於此恐後世靡麗遂往而不反非所

以為繼嗣創業垂統也於是乃解酒罷獵而

命有司曰地可以墾辟悉為農郊以贍萌隸

墮牆填塹使山澤之民得至焉實陂池而勿

禁正義曰實滿也言人滿虛宮觀而勿正

日仍音刃亦滿也言離宮別設倉廩以振貧

窮補不足恤鰥寡存孤獨出德號省刑罰改

制度易服色更正朔與天下為始於是歷吉

日以齊戒襲朝衣乘法駕建華旗鳴玉鸞游

乎六藝之囿正義曰六藝云言田獵訖則適

驚乎仁義之塗覽觀春秋之林郭璞曰春秋

明善射狸首禮射義曰天子以騶虞

惡也射狸首騶虞為節諸侯以狸首為節

羣雅漢書音義曰大雅小雅也○索隱曰張

狸首者樂會時也弋玄鶴建干戚載雲罕揜

以雲罕為旌旗皆非也且案中朝鹵簿圖云雲罕駕鞠不兼言九旒罕車與九旒車別也

擒捕也張揖曰詩小雅之材七十四人故曰羣雅也悲伐檀索隱曰張揖曰其詩

樂樂音索隱曰毛詩桑刺賢者小遇明主受天之祐言王者樂得資材之人使在位修

故天與之福祿也音音先呂反樂音洛容乎禮園正義曰禮所以自翱翔于書圃正

曰尚書所以明帝述易道正義曰易所以潔陰陽中知人事下明地理也言田放怪獸正

獵乃射訖又歷涉六經之要也登明堂坐清廟正義曰明

之獸不伏獵也

廟故言清廟王恣羣臣奏得失四海之內靡

不受獲正義曰言天下之於斯之時天下大

說嚮風而聽隨流而化喟然興道而遷義

曰漢書作翫然猶刑錯而不用德隆乎三皇

功羨於五帝索隱曰司馬彪云若此故獵乃

可喜也若夫終日暴露馳騁勞神苦形罷車

馬之用抗士卒之精音索隱曰抗費府庫之財

而無德厚之恩務在獨樂不顧衆庶忘國家

之政而貪雄鬼之獲則仁者不由也從此觀之齊楚之事豈不哀哉地方不過千里而圍居九百是草木不得墾辟而民無所食也夫以諸侯之細而樂萬乘之所後僕恐百姓之被其尤也於是二子愀然改容索隱曰郭璞云愀變色貌音作超若自失逡巡避席曰鄙人固陋不知忌諱乃今日見教謹聞命矣賦奏天子以為即無是公言天子上林廣大山谷水泉萬物

及子虛言楚雲夢所有甚衆侈靡過其實且

非義理所尚故刪取其要歸正道而論之索隱

曰大類云不取其夸奢靡麗之論唯取終篇歸於正道耳小類云刪取非謂削除其詞而

說者謂此賦已經史家刊刻失其意也相如為即數歲會唐蒙

使略通夜郎西越中徐廣曰羌之別種也音扶過反○索隱曰張揖

云蒙故鄱陽令為郎中使行略取之文穎曰夜郎越中皆西南夷後以為犍牂為二郡

越音步發巴蜀吏卒千人索隱曰案巴郡又

多為發轉漕萬餘人用興法漢書曰用誅其

相如以下漢書為下卷

渠帥巴蜀民大驚恐上聞之乃使相如責唐
 蒙等因踰告巴蜀民以非上意檄曰告巴蜀
 太守蠻夷自擅不討之日久矣時侵犯邊境
 勞士大夫陛下即位存撫天下輯安中國然
 後興師出兵北征匈奴單于怖駭交臂受事
 誠膝請和康居西域重譯請朝稽首來享移
 師東指閩越相誅右吊番禺太子入朝索隱曰番禺南海郡理也平至也東代閩越後至番禺故言右至非也案姚氏弔讀如字小

類云兩國相伐漢發兵救之南越蒙天子德惠故遣太子入朝所以云弔爾非訓至也

南夷之君西襲之長常效貢職不敢怠墮延
 頸舉踵喁喁然正義曰喁五皆爭歸義欲為
 臣妾道里遼遠山川阻深不能自致夫不順
 者已誅而為善者未賞故遣中郎將往賓之
 帛衛使者不然靡有兵革之事戰鬪之患今
 聞其乃發軍興制驚懼子弟憂患長老索隱曰張

索隱曰賈逵云賓伏也發巴蜀士民各五百人以奉幣

揖云發軍謂發三軍之衆與制謂起軍法誅渠帥也索唐蒙為使而用軍興法制故驚懼也蜀人郡又擅為轉粟運輸皆非陛下之意也

當行者或亡逃自賊殺亦非人臣之節也夫

邊郡之士聞烽舉燧燔漢書音義曰烽如覆

寇則舉之燧積薪有寇則燔然之○索隱曰

字林云奠灑米藪也音一六反纂要云奠浙

其也烽見敵則舉燧有難則焚烽主晝燧主夜皆攝弓而馳索隱曰攝音女

反荷兵而走流汗相屬唯恐居後觸白刃冒

流矢義不反顧計不旋踵人懷怒心如報私

讎彼豈樂死惡生非編列之民而與巴蜀異

主哉計深慮遠急國家之難而樂盡人臣之

道也故有剖符之封析珪而爵索隱曰如淳

白藏天子青位為通侯居列東第索隱曰列

城東故云終則遺顯號於後世傳土地於子

孫行事甚忠敬居位甚安佚名聲施於無窮

功烈著而不滅是以賢人君子肝腦塗中原

膏液潤野草而不辭也今奉幣役至南夷即

自賊殺或亡逃抵誅身死無名謚為至愚恥
及父母為天下笑人之度量相越豈不遠哉
然此非獨行者之罪也父兄之教不先子弟
之率不謹也寡廉鮮恥而俗不長厚也其被
刑戮不亦宜乎陛下患使者有司之若彼悼
不肖愚民之如此故遣信使曉喻百姓以發
率之事因數之以不忠死亡之罪讓三老孝
弟以不教誨之過方今田時重煩百姓索隱
曰重

親

猶難也 已觀見近縣恐遠所谿谷山澤之民不

徧聞檄到亟下縣道漢書百官表曰縣有蠻夷曰道○索隱曰亟音

紀力反亟急也使咸知陛下之意唯毋忽也相如還

報唐蒙已略通夜郎因通西南夷道發巴蜀

廣漢卒作者數萬人治道二歲道不成士率

多物故費以巨萬計索隱曰案巨萬猶萬萬也數有大小二法張揖

白筭法萬萬為億是小數也蜀民及漢用事者多言其不

便索隱曰案謂公卿所言也是時邛笮之君長索隱曰文

并駝一國在蜀
西鮮西南夷
傳也

今為邛都縣，舊者今為聞南夷，與漢通得賞

賜多多欲願為內臣，妾請更比南夷。索隱曰：謂請置

漢史與南夷為比例也。天子問相如，相如曰：邛笮舟駝

者近蜀道亦易通，秦時嘗通為郡縣，至漢興

而罷，今誠復通為置郡縣，愈於南夷。索隱曰：張揖曰

愈差也，又云愈猶勝也，晉灼曰：南夷謂犍為、牂牁也，西夷謂越、雋、益州也。天子以

為然，乃拜相如為中郎將，歲遷補大縣令。

建節往使，副使王然于壺充國。索隱曰：案漢書公卿表，太

初元年為大鴻臚卿也。呂越人馳四乘之傳，因巴蜀吏

幣物以賂西夷，至蜀蜀太守以下郊迎，縣令

負弩先驅。索隱曰：案亭吏名亭長，弩矢合

亭長當負弩也，且負弩是守宰無定，或隨時輕重耳。按霍去病出擊匈奴，河東太守郊迎

負弩，又魏公子救趙擊秦，秦軍解去。蜀人以平原君負爛矢迎公子於界上，是也。蜀人以

為寵。索隱曰：華陽國志云：蜀大城北十里有外僊橋，送客觀相如初，入長安，題其門

云：不乘赤車駟馬，不適汝下也。於是卓王孫臨邛諸公皆因

門下獻牛酒以交驩，卓王孫喟然而歎，自以

得使安尚司馬長卿索隱曰小類云尚猶配也本或作當蓋後

人改而厚分與其女財與男等同司馬長卿

便略定西夷邛笮冉駹斯渝之君皆請為內

臣索隱曰邛氏斯音曳張揖云斯俞才俞國也案今斯讀如字益部者舊傳謂之斯叟

華陽國志云邛都縣除邊關關益序索隱曰張揖曰

有四部斯叟一也也西至沫若水索隱曰張揖曰沫水出蜀

也也若水出旄牛徼外至夔道入江華陽南至犍

國志漢嘉縣有沫水音妹又音末也通零關道索隱曰

日越嵩有橋孫水索隱曰張揖云徼塞也以通邛都索隱曰案

零關道索隱曰華陽國志云相如卒開夔道通南中置越嵩

郡韓說開益州唐蒙開犍犍斬笮王首置犍

郡犍還報天子天子大說相如使時蜀長老多

言通西南夷不為用唯大臣亦以為然相如

欲諫業已建之不敢索隱曰案業者本也本

更乃著書籍以蜀父老為辭而已詰難之以

風天子且因宣其使指令百姓知天子之意

其辭曰漢興七十有八載徐廣曰元德茂存

難蜀檄

史記卷五十七

四十四

乎六世正義曰高祖惠帝高威武紛紜湛恩

汪濊索隱曰韋昭羣生澍濡洋溢乎方外於

是乃命使西征隨流而攘索隱曰攘却也音女羊反風之

所被罔不披靡因朝拜從駝定策存邛略斯

揄舉苞滿索隱曰服虔云夷種結軌還轅索隱

日張揖云結屈也軌車迹也東鄉將報至于蜀都耆老大

夫薦紳先生之徒二十有七人儼然造焉辭

畢因進曰蓋聞天子之於夷狄也其義羈縻

勿絕而已索隱曰案羈馬絡頭也縻牛紉也漢官儀云馬云羈牛云縻言制四

夷如牛馬之受羈縻也今罷三郡之士通夜郎之塗三

年於茲而功不竟士卒勞倦萬民不贍今又

接以西夷百姓力屈恐不能卒業此亦使者

之累也竊為左右患之且夫邛笮西僰之與

中國並也歷年茲多不可記已仁者不以德

來彊者不以力并意者其殆不可乎今割齊

民以附夷狄弊所恃以事無用鄙人固陋不

識所謂使者曰烏謂此邪必若所云則是蜀

不變朕而巴不化俗也余尚惡聞若說索隱曰張

非觀者之所觀也余之行急其詳不可得聞揖云惡聞若曹之言也包愷音一故反又音鳥鳥者安也然斯事體大固

已請為大夫粗陳其略蓋世必有非常之人

然後有非常之事有非常之事然後有非常

之功非常者固常人之所異也索隱曰案常

也故曰非常之原黎民懼焉索隱曰張揖云

難知衆人懼也及臻厥成天下晏如也昔者鴻水淳

出汎濫衍溢民人登降移徙隨隨而不安夏

后氏戚之乃堙鴻水決江疏河漉沈贍蓄廣

之勤豈唯民哉索隱曰案謂非獨人心煩於

慮而身親其勞躬胝無肢膚不生毛徐廣曰

移反肢腫也一作膝音湊膚理也肢音魁○

索隱曰張揖曰膝一作戚躬體也戚湊理也

也沉深也澹音徒暫反東歸之於海而天下永寧當斯

日漉一作灑○索隱曰漉音鹿蓄音災漢書

作灑沉澹災解者云灑分也音所宜反澹安

也沉深也澹音徒暫反東歸之於海而天下永寧當斯

韋昭曰：股，戚中，小毛也。肱，音貞，尸反。莊子云：禹肱無股，脛不生毛。李願云：股，白肉也。音蒲。

末故休烈顯乎無窮，聲稱浹乎于茲。且夫賢

君之踐位也，豈特委瑣握蹠索隱曰：孔文作

蹠，局也。拘文牽俗，循誦習傳，當世取說云爾哉。

必將崇論閎議，創業垂統，為萬世規，故馳騫

乎蕪容并包，而動思乎參天貳地。索隱曰：參

於地是二地也。地與已并天為三。是參天也。故禮曰：天子與天地參是也。且詩不

云乎：普天之下，莫匪王土；率土之濱，莫非王

臣。毛詩傳曰：濱，涯也。是以六合之內，八方之外，浸淶

衍溢。索隱曰：案浸淶，得猶漸浸也。懷生之物，有不浸淶於澤

者，賢君恥之。今封疆之內，冠帶之倫，咸獲嘉

祉，靡有闕遺矣。而夷狄殊俗之國，遼絕異黨

之地，舟輿不通，人迹罕至，政教未加，流風猶

微。內之則犯義侵禮，於邊境外之則邪行橫

作，放弒其上，君臣易位，尊卑失序，父兄不辜

幼孤為奴，係纍號泣，內嚮而怨，曰：蓋聞中國

之

有至仁焉德洋而恩普物靡不得其所今獨

曷為遺已舉踵思慕若枯旱之望雨盤夫為

之垂涕徐廣曰盤音戾○索隱曰張揖曰况

乎上聖又惡能已故北出師以討彊胡南馳

使以誚勁越四面風德二方之君鱗集仰流

索隱曰二方謂西夷也願得受號者以億計

故乃關沫若漢書音義曰以徼捍犴鏹零山

梁孫原創道德之塗垂仁義之統將博恩廣

施遠撫長駕使䟽邀不閉索隱曰邀遠言其

阻深闇昧得耀乎光明索隱曰阻深漢書

爽早朝也音妹以偃甲兵於此而息誅伐

於彼遐邇一體中外提福徐廣曰提一作提

不亦康乎夫拯民於沈溺奉至

尊之休德反衰世之陵遲繼周氏之絕業斯

乃天子之急務也百姓雖勞又惡可以已哉

且夫王事固未有不始於憂勤而終於佚樂

者也。然則受命之符合在於此矣。索隱曰：張

於憂勤佚樂之中也。方將增泰山之封，加梁父之事，鳴

和鸞，揚樂頌，上咸五，下登三。徐廣曰：咸一作

咸同於五帝，登三王之上。○索隱曰：李奇曰：五帝之德，漢此為減三王之德，漢出其上，故

云：減五登三，此說非也。虞喜志林云：相如欲減五帝之一，以漢盈之，然以漢為五帝之數

自然是登於三王之上也。今本觀者未睹指

減或作成是與卓州之說符也。聽者未聞音，猶鷦明已翔乎寥廓，而羅者猶

視乎蠶澤，悲夫！於是諸大夫芒然喪其所懷

來而失厥所，以進喟然，並稱曰：允哉！漢德此

鄙人之所願聞也。百姓雖急，請以身先之。敵

罔靡徙，因遷延而辭避。索隱曰：案敵罔失其

後人有上書言相如使時受金失官居歲餘

復名為郎相如口吃而善著書常有消渴疾

與卓氏婚饒於財其進仕宦未嘗肯與公卿

國家之事稱病間居不慕官爵常從上至長

揚獵。正義曰：括地志云：秦長揚宮在雍州

咸下減
上咸五下
三

樹以為名也。是時天子方好自擊熊羆，馳逐野獸。

相如上，疏諫之。其辭曰：臣聞物有同類而殊

能者，故力稱烏獲。索隱曰：張揖曰：秦武王力士，舉龍文鼎者也。捷

言，慶忌。吳王僚之字。日勇期，貫育。正義曰：貫音奔，貫古

之勇士，水行不避蛟龍，陸行不避豺狼。臣之

愚竊以為人誠有之，獸亦宜然。今陛下好陵

阻險，射猛獸，卒然遇軼材之獸。索隱曰：廣雅云：卒，暴也。音

倉沒反。駭，不存之地。索隱曰：謂所不慮。犯屬車

之清塵。蔡邕曰：古者諸侯貳車九乘，秦滅九國，兼其車服，故大駕屬車八十一乘。

輿不及還，較人不暇施巧。雖有烏獲逢蒙之

伎力，不得用。吳越春秋曰：羿傳射於蓬蒙。○索隱曰：蓬蒙，學射於羿。

盡羿之道是也。枯木朽株盡為害矣。是胡越起於較

下，而羌夷接軫也。豈不殆哉！雖萬全無患，然

本非天子之所宜近也。且夫清道而後行，中

路而後馳，猶時有銜檠之變。徐廣曰：檠音巨。月反。鈞，逆者謂

之檠矣。○索隱曰：張揖曰：銜，馬勒銜也。檠，馬口長銜也。用檠與服志云：鈞逆上者為檠。

繫在街中以鐵爲之大如雞子而况涉乎蓬

蒿馳乎丘墳前有利獸之樂而內無存變之

意其為禍災也不亦難矣夫輕萬乘之重不

以為安而樂出於萬有一危之塗以為娛臣

竊為陛下不取也蓋明者遠見於未萌而智

者避危於無形禍固多藏於隱微而發於人

之所忽者也故鄙諺曰家累千金者坐不垂

堂索隱曰張揖云畏簷瓦墮中人樂彥云垂

邊也近堂邊恐其墜墜也非謂畏簷瓦

此言雖小可以喻大臣願陛下之留意幸察

上善之還過宜春宮正義曰括地志云秦宜

南三十里宜春苑在宮之東社之南始皇本

紀云葬二世社南宜春苑中按今宜春宮見

二世陵故作相如奏賦以哀二世行失也其

辭曰登陂陀之長阪兮索隱曰陂普何空入

曾宮之嵯峨漢書音義曰空並也臨曲江之

隍州兮漢書音義曰隍長也苑中有曲江之

隍即碣字謂曲岸頭也有官閣路今猶謂之

曲江在杜陵西北五里又三輔舊事云樂游

廣在西也望南山之參差巖巖深山之磴磴兮

徐廣曰磴音力工反○索隱曰磴古江反晉灼以磴音籠古磴字蕭該云磴或作礪長大

貌也通谷磴兮谿瀾索隱曰谿音呼舍反瀾音何加反汨減谿

習以永逝兮索隱曰汨于筆反汨感疾貌也

舉意也注平臯之廣衍觀眾樹之塢夢兮覽竹

林之榛榛東馳土山兮北揭石瀨彌節容與

兮歷吊二世持身不謹兮亡國失勢信讒不

寤兮宗廟滅絕嗚呼哀哉操行之不得兮墳

墓蕪穢而不脩兮魂無歸而不食夏竦絕而

不齊兮彌久遠而愈侏精罔闕而飛揚兮拾

九夫而永逝嗚呼哀哉相如拜為孝文園令

索隱曰百官志天陵園令天子既美子虛之

事相如見上好僊道因曰上林之事未足美

也尚有靡者臣嘗為大人賦索隱曰張揖曰

秀云聖人在竹謂之大人張華云未就請具相如作遠遊之體以大人賦之也

而奏之相如以為列僊之傳居山澤間索隱曰

傳者謂相傳以列僊居山澤間音持全反小
類及劉氏並作儒讀云儒柔術士之稱非也

形容甚臞徐廣曰臞瘦也○索隱曰臞音巨俱反

此非帝王之僊意也乃遂就大人賦其辭曰

世有大人兮在于中州宅彌萬里兮曾不足

以少留悲世俗之迫隘兮竭輕舉而遠游索隱

曰大溟曰武帝云誠得如黃帝去垂絳幡之

素蜺兮載雲氣而上浮建格澤之長竿兮總

光耀之采旄漢書音義曰格澤之氣如炎火

為竿旄葆也總係也係光垂旬始以為慘兮

批彗星而為髻漢書音義曰旬始氣如旌雞

也批彗星綴著掉指橋以偃蹇兮又旖旎以

招搖漢書音義曰指橋隨風指靡○索隱曰

攬搯搶以為旌兮正義曰天官書云天攬長

頭鏡其形靡屈虹而為綢也漢書音義曰綢

類彗也紅香渺

以眩濬兮焱風涌而雲浮漢書音義曰旬始

貌綢音直留反或音韜屈虹斷虹也

眩音闇冥無光也○索隱曰蘇林曰眩音眩
濕音麪晉灼云紅赤色貌香渺深遠眩音混
合也紅駕應龍象與之蠖略遠麗兮驂赤螭
或作虹

青蚪之蚪蚪蚪蛻蛻低印天螭拮以驕驚兮詘

折隆窮也索隱曰張揖曰据直頂也驕驚縱恣

躩以連卷也索隱曰韋昭曰蠖龍之形貌沛也

起蟻化以佞兮漢書音義曰起蟻申頸低

張揖曰起蟻牙跳也起音居勿反蟻音許救

反化舉頭也化音魚乙反佞音勅吏反疑音

魚吏反放散畔岸驤以孱顏索隱曰服虔曰馬

頰也韋昭曰顏音吾板反詩踳躩輻輳容以

委麗兮綢繆偃蹇怵蹇以梁倚徐廣曰蛭蟻

蹇音丑栗反蹇音勅略反輻輳鳥葛反輻音曷

網一作雕蹇音他略反駟案漢書音義曰怵

蹇走也梁倚相著也○索隱曰張揖曰蹇蹇

疾行互前却也輻輳搖月吐舌也蹇音褚栗

反蹇音褚略反輻音過輳音曷蛭音徒弔反

張揖曰偃蹇却器也廣雅曰偃蹇天矯也韋
昭曰蹇音苕略反相如糾蓼叫真躡以艘路
兮徐廣曰艘音介至也○索隱曰蓼音了真
音五到反小顏云叫真高舉之貌躡音徒
咎反艘音扁三倉云躡著
地孫炎云艘古界字也
萬蒙踴躍騰而狂

雄漢書音義曰雄飛揚也雄走雄薜雄夔雄弁雄翕雄燦雄至雄電雄過雄兮雄燦

然霧除霍然雲消邪絕少陽而登太陰兮與

真人乎相求漢書音義曰少陽東極而升北極者也

互折窈窕以右轉兮橫厲飛泉以正東正義曰

渡也張云泉飛谷也在崐崙山西南悉徵靈圉而選之兮部乘

衆神於瑤光漢書音義曰瑤光使五帝先導

兮正義曰遵導應云五帝及太一而從陵陽

漢書音義曰僊人陵陽子明也○正義曰天官書云中官天極星其一明者太一常居也

列仙傳云子明於沛鉅縣旋溪釣得白龍放之後白龍來迎子明夫止陵陽山上百餘年

遂付右玄冥而右含靈兮漢書音義曰含靈

僊也神名也或前陸離而後瀟灑漢書音義曰廡征

北僑徐廣曰燕人也形解而征也○索隱曰

郊祀志作正伯僑此當是別人恐非王子喬也而役羨門兮正義曰

門碣石山上仙屬岐伯使尚方徐廣曰岐伯

黃帝太醫屬使主方藥祝融驚而蹕御兮

正義曰張云祝融南方炎帝之佐也獸身人面乘兩龍應火正也次正祝融警蹕清氛氣

正義驚不驚

史記卷一百一十五

二十六

也。清零氣而後行也。余車其萬乘兮，絳雲蓋

而樹華旗。索隱曰：絳音祖，內反。蓋有五綵也。使勾芒其將

行兮。正義曰：張云：勾芒，東方青帝之佐也。鳥身人面，乘兩龍，顏云：將行領從者也。

吾欲往乎南嬉，歷唐堯於崇山兮，過虞舜於

九疑。正義曰：張云：崇山，狄山也。海外經云：狄山，帝堯葬其陽。九疑山，零陵營道縣。

所葬。紛湛湛其差錯兮，索隱曰：湛音徒，感反。雜，遠。膠葛，

以方馳。索隱曰：廣雅：駮，擾。衛，從。其相紛拏兮，

索隱曰：衛音息，冗反。滂淖決軋，洒以林離，鑽羅

列聚叢以龍茸兮，衍曼流爛壇以陸離。徐廣曰：壇

音垣。徑入雷室之砰礚，鬱律兮洞出鬼谷之岷

礪鬼磈。漢書音義曰：鬼谷在北辰下，眾鬼之所聚也。楚辭曰：贅鬼谷於北辰也。○

正義曰：岷，口骨反。壘音力，罪反。鬼音烏。迴反。礪音回。張云：岷，壘鬼磈，不平也。徧覽

八紘而觀四荒兮，竭渡九江而越五河。正義曰：顏

云：五色之河也。僊云：紫碧絳青黃之河也。經營炎火而浮弱水兮

正義曰：姚丞云：大荒西經云：崑崙之岳，其外有炎火之山，投物輒物然，括地志云：弱水有二原，俱出女國北，阿傳達山南，流會于國北，又南歷國北，東去一里，深丈餘，闊六十步，非

陸離參差也。

湛之厚積也
衝後相入也

決軋不前也
滂淖衆盛也

陸離參差也

還反大

林離鑽羅

乘舟不可齊，流入海阿，傳達山一名崑崙山。其主為主，在雍州西南一萬五千三百七十里。又云：弱水在甘州。頭掖縣南山下也。杭絕浮渚而涉流沙。漢書

音義曰：總括葱嶺。奄息，總極。汜濫水，嬉兮使。山也在西域中也。

靈媧鼓瑟而舞，馮夷。馮夷，徐廣曰：媧一作貽，羽案也。馮夷，河伯字也。淮南子曰：馮夷得道，以潛大川。○正義曰：姓馮名夷，以庚日溺死阿常。

以庚日好。溺死人。時若夢夢，將混濁兮。名屏翳，日應也。屏翳，天神使。誅風伯。正義曰：張云：飛廉而刑雨也。韋云：雷師也。

師，正義曰：沙州。西望崑崙之軌。正義曰：張云：師有雨師祠。

崑崙去中國五萬里，天帝之下都也。其山廣袤百里，高八萬仞，增城九重，面有九井，以玉為瑤。旁有五門，開明獸守之。括地志云：在崑崙

肅州酒泉縣南八十里，十六國秦亡後魏昭成帝建十年，涼張駿酒泉太守馬岌上言：酒泉南山即崑崙之體。周穆王見西王母家而忘歸，即謂此山有石室，王母堂，珠璣鏤飾，煥若神宮。又刪丹西河名云：弱水，禹貢崑崙在臨。羞之西，即此明矣。括地志云：又阿傳建山亦名連山。連山亦名崑崙山。恒河出其南，吐

師子口，經天竺入連山。媧水今名為濟海，出書於西北隅，吐馬口，經安息大夏國入西海。黃海出東北隅，吐牛口，東北流，經濫澤，潛出大積石山，至華山北，東入海。其三河去山

入海各三萬里。此謂大崑崙。肅州謂小崑崙也。禹本記云：河出崑崙，崑崙二千五百餘里，日月

也。禹本記云：河出崑崙，崑崙二千五百餘里，日月

也。禹本記云：河出崑崙，崑崙二千五百餘里，日月

也。禹本記云：河出崑崙，崑崙二千五百餘里，日月

也。禹本記云：河出崑崙，崑崙二千五百餘里，日月

也。禹本記云：河出崑崙，崑崙二千五百餘里，日月

也。禹本記云：河出崑崙，崑崙二千五百餘里，日月

家手
乍樂
在下在

所相隱避，**洊洗**，忽兮直徑馳乎三危。三危山名也。

正義曰：括地志云：三危山在沙州東南三十里。**排闥闔**而入帝宮兮。

正義曰：韋云：闥闔，天門也。淮南子曰：西方曰西極之山，闥闔之門。**載王女而**

與之歸。正義曰：張云：玉女，青要乘弋等也。**舒闥風而搖集兮。**

正義曰：張云：闥風，在崑崙閻闔之中。楚辭云：登闥風而溧馬。**亢鳥騰而一**

止。漢書音義曰：亢然，高飛如鳥之騰也。**低回陰山翔以紆曲兮。**

正義曰：張云：陰山在大嶷崙西二千七百里。**吾乃今日睹西王母**

矐然白首。徐廣曰：矐音鶴。○正義曰：張云：西王母其狀

如人豹尾虎齒蓬鬚矐然白首石城金穴居其中。**載勝而穴處兮。**郭璞

曰：勝一勝也。○正義曰：顏云：勝代婦人首飾也。漢代謂之華勝也。**赤華有三**

足鳥為之使。正義曰：張云：三足鳥，青鳥也。主為西王母取食在昆墟之北。

必長生若此而不死兮，雖濟萬世不足以喜。

回車竭來兮，絕道不周。漢書音義曰：不周山在崑崙東南。**會**

食幽都呼吸，沆瀣殫朝霞兮，噍咀芝英兮，噉

瓊華。徐廣曰：噉音祈，小食也。明。瓊華玉英也。**媼侵淶而高**

縱兮，紛鴻涌而上厲。徐廣曰：媼音媼，索隱曰：漢書媼作襟，襟仰也。

送送接日明

赤下

噉

音禁 焯音 貫列缺之倒景兮涉豐隆之滂沛

漢書音義曰列缺天閃也倒景日在下○正義曰張云豐崇雲師也淮南子云季春三月

豐崇乃出以將雨接豐馳游道而備降兮

日游游車也道道車也備長也降下也驚遺霧而遠逝迫區中

之隘陝兮舒節出乎北垠遺也騎於玄闕兮

軼先驅於寒門漢書音義曰玄闕北下崢嶸極之山寒門天北門下崢嶸

而無地兮上寥廓而無天視眩眠而無見兮

聽悄恍而無聞乘虛無而上假兮超無爰而

獨存徐廣曰假音古下反至也相如既奏大人之頌天子

大說飄飄有凌雲之氣似游天地之間意相

如既病免家居茂陵天子曰司馬相如病甚

可往從悉取其書若不然後失之矣使所忠

往正義曰姓所名忠也風俗通姓而相如已

死家無遺書問其妻對曰長卿固未嘗有書

也時時著書人又取去即空居長卿未死時

為一卷書曰有使者來求書奏之無他書其

天

封禪書

天宮下并字
漢書無之
小雅云春大為蒼
大夏為昊天也

遺札書言封禪事奏所忠忠奏其書天子異
之其書曰伊上古之初肇自昊穹兮生民歷
撰列辟以迄于秦徐廣曰撰一作選率邇
者踵武徐廣曰率循也邇近也武述也循省
之事則踵躡徐廣曰述遠也聽者風聲察遠古之風聲
索隱曰風聲風雅之聲以言聽徐廣曰述遠也聽
遠占之事則著在風雅之聲也紛綸歲豔堙
滅而不稱者不可勝數也索隱曰胡廣曰紛
委頓也張續昭夏崇號謚略可道者七十有
揖曰亂貌

二君漢書音義曰昭明也夏大也德明大相
繼封禪於泰山者七十有二人○索隱

日見韓詩外傳罔若淑而不昌疇逆失而能
及封禪書也

存徐廣曰若順也朔宋韋昭曰疇軒轅之前
誰也言順善必昌逆失必亡

遐哉邈乎其詳不可得聞也五三六經載籍

之傳維見可觀也索隱曰胡廣云五五帝也

樂易春秋書曰元首明哉股肱良哉因斯以談

君莫盛於唐堯臣莫賢於后稷后稷創業於

唐公劉發迹於西戎文王改制爰周邠隆徐廣

傳述總及

迹

曰郵蓋字誤皇甫謐曰王季宅程故周書曰維王季宅程孟子稱文王生於畢程或者郵字宜為程乎或為胫北地有郁邦縣胫大也音質駟案漢書音義曰郵至也○索隱曰爰於及也郵大也盛也樊光云郵可見之大也徐及皇甫之說皆非也以言文王改制及周而大**大行越成**漢書音義曰行道也文王始盛也○索隱曰應劭曰應劭而後陵夷衰之道於是成矣○索隱曰應劭云大行謂以言道德大行也

而後陵夷衰微千載無聲徐廣曰周之王四海千載之後聲教乃絕駟案韋昭曰無惡聲豈不善始善終哉然無異端慎所由於前謹遺教於後耳故軌迹夷易易遵也湛恩濛濛

易豐也憲度著明易則也垂統理順易繼也

是以業隆於繼祿而崇冠于二后漢書音義曰繼祿謂

成王也二后謂文武也周公負成王致太平功德冠於文武者道成法易故也揆厥

所元終都攸率漢書音義曰都於卒終也未有殊尤絕迹

可考于今者也然猶躡梁父登泰山建顯跡

施尊名大漢之德烽涌原泉韋昭曰漢德濩涌如泉原也○

索隱曰張揖曰逢遇也喻其德盛若遇泉原之流也又作峯讀胡廣曰自此已下論漢家

之德洵瀟漫衍旁魄四塞雲霧散徐廣曰專音布

上暢九垓下沂八埏徐廣曰音衍駟案漢書音義曰暢達垓重也沂

流也。挺若八埏地之際也。言其德上達於九重之天下流於地之八際也。懷生之

類靈濡浸潤協氣橫流武節飄逝通陝游原陝

迥闊沫沫漢書音義曰迥近原本也迥遠闊廣也沫浮也恩德比之於水近者

游其原遠者浮其沫首惡湮沒闇昧昭哲漢書音義曰始為惡者皆

湮滅闇昧首昆蟲凱澤回首面內韋昭曰然

後園騶虞之珍羣微麋鹿之怪獸漢書音義曰微遮也

麋鹿得其奇怪者謂獲白麟也藁一莖六穗於庖徐廣曰藁瑞禾也

案漢書音義曰謂嘉禾之來於庖厨以供祭祀○索隱曰鄭德云藁澤水說文嘉禾一名

藁字林云禾一莖六穗謂之藁也犧雙貉共抵之獸徐廣曰抵音底

明案漢書音義曰犧牲也貉角也底本也獲

周餘珍收龜于岐徐廣曰一作放龜駟案漢書音義曰餘珍得周鼎也

岐水名也招翠黃乘龍於沼漢書音義曰翠黃乘名也龍翼馬身黃帝

乘而登僊言見乘黃而招呼之禮樂志曰紫黃湛河不下來余吾渥注水中出神馬故曰

乘龍於沼○索隱曰服虔曰乘龍四龍也翠黃孟說是也周書云乘黃似狐背上有兩角

也鬼神接靈囿於間館徐廣曰言至德與神明通接故兩圍

為賓旅於閑館矣邪邪奇物譎詭倣儻窮變欽欽

哉符瑞臻茲猶以為薄不敢道封禪蓋周躍躍

魚墮杭休之以燎燎索隱曰杭舟也胡廣曰武

以燎墮墜之微夫斯之為符也以登介丘不不

亦慝乎慝漢書音義曰介丘山也言周以

讓之道其何爽與爽徐廣曰爽差異也駟案漢

言周末可封禪為進漢可封禪而不封禪為

讓也○索隱曰爽猶差也言漢周進讓之道

皆差於是六司馬進曰陛下仁育羣生義征

不慝慝漢書音義曰大司馬上公諸夏樂貢百

蠻執贄德侔往初功無與二休烈浹洽符瑞

衆變期應紹至不特創見創徐廣曰不但初顯

以封禪之事○索隱曰文穎云不獨一物初

創見也胡廣云符瑞衆多應期相繼而至也

意者泰山梁父設壇場望幸蓋彌以况榮榮

曰以况受上天之榮為名號○索隱曰案本

或作望華蓋星名在紫微大帝之上今

漢書音義

况榮

儲社
漢書薦作
廢

也。文穎云：蓋合也。言考合前代之君，揆其榮而相比况，以為號也。大顏云：蓋欲也。言欲化功立號，受天之况，賜榮名也。於義為愜，然其文云：蓋詞義曲質，又上與幸字連文，致令有華蓋之上帝垂恩，儲社將以薦成。徐廣曰：以謬也。至封禪處，薦之上天，告成功也。○陞下謙讓，索隱曰：案漢書作慶成，義亦通也。陛，下謙讓而弗殺也。擊三神之驪。徐廣曰：擊猶言垂也。三神，上帝、泰山、梁父也。○索隱曰：徐氏云：擊猶垂非也。應劭缺作絕。李奇：車昭作鉄，意亦不遠。三神如淳謂地、祗、天神山嶽也。與車不同。缺王道之儀，群臣慝焉。或謂且天為質，閭珍符固不可辭。漢書音曰：言辭義曰言。

天道質昧，以符瑞見意，不可辭讓也。若然，辭之是泰山靡記而

梁父靡樂也。漢書音義曰：太山之上無所表記。梁父壇場無所庶幾。○索隱

曰：案幾音異。亦各並時而榮，咸濟世而屈。漢書音曰：屈義曰：屈

絕之也。言古帝王但作說者尚何稱於後。徐廣

曰：若無封禪之遺迹，則榮盡於當時。至於歷世之後，人何所述。而云七十二

君乎。索隱曰：言古封禪之帝王是各並時而榮，貴盛有濟世之勲，而屈者謂言抑屈

摠不封禪，使說者尚何稱。夫修德以錫符，奉

符以行事，不為進越也。索隱曰：文穎云：越踰禮也。故

符以行事，不為進越也。索隱曰：文穎云：越踰禮也。故

聖王弗替而修禮地祇謁款天神漢書音義曰款誠也

謁告之也勅功中嶽以彰至尊舒盛德發號榮

受厚福以浸黎民也皇皇哉斯事天下之壯

觀王者之不業不可與也願陛下全之而後

因雜薦紳先生之略術使獲耀日月之末光

絕炎以展采錯事徐廣曰錯音屑駟索漢書音義曰采官也使諸儒記

功著業得觀日月末光殊絕之用猶兼正列

其義校飭厥文作春秋一藝徐廣曰校一作校被猶拂也音

廢也駟案漢書音義曰春秋者正天時列人

事諸儒既得展事業因兼正天時列人事叙

述大義將襲舊六為七韋昭曰今漢書增為一經摠

之無窮徐廣曰摠一作臚臚叙也○俾萬世

得激清流揚微波蜚英聲騰茂實索隱曰胡廣曰飛揚

英偉之聲騰馳前聖之所以永保鴻名而常

為稱首者用此索隱曰案謂用此封禪也且命掌故悉奏

其義而覽焉漢書音義曰掌故太史官屬主故事也於是天子沛然改容曰愉乎朕其試哉乃遷思回慮總

公卿之議詢封禪之事詩大澤之博廣符瑞

之富漢書音義曰詩歌詠功德也下四章之廣符瑞之富謂斑斑之獸以乃作頌曰自我

天覆雲之油油漢書音義曰油油雲行貌孟

甘露時雨厥壤可游滋液滂澆何生不育徐廣

日滲音色蔭反○索隱曰案嘉穀六穗我穡

曷蓄徐廣曰何所畜邪畜嘉穀非唯雨之又潤澤之非唯

濡之徐廣曰古布字作專○索隱日胡廣曰汜普也言雨澤非

備於我普遍布萬物熙熙懷而慕思名山顯

位望君之來韋昭曰名山大山君乎君乎侯

不邁哉索隱曰小類云侯何也邁般般之獸

樂我君囿索隱曰案般般文彩之貌白質黑

章其儀可嘉音班胡廣曰謂騶虞也白質黑

也能一作熊與案漢書音義曰蓋聞其聲今

觀其來厥塗靡蹤天瑞之徵徐廣曰其所來

天降瑞不茲亦於舜虞氏以興索隱曰文穎

行而至也

專在下專

漢書 蹤

舞則騶虞亦濯濯之麟游彼靈時漢書音義

在其中也詩人云唐鹿濯濯注云濯濯嬉遊也孟冬十

月君徂郊祀馳我君興帝以享社三代之前

蓋未嘗有宛宛黃龍興德而升索隱曰胡廣

也采色炫燿熿炳輝煌見輝音魂正陽顯

見覺寤黎烝索隱曰文穎曰正陽陽於傳載

之云受命既乘索隱曰如淳曰書傳所載接

之應見之於成紀厥之有章不必諄諄徐廣

記作託

止絕反告之丁寧明索隱曰漢書音義曰天之所

命表以符瑞章明其德不必諄諄然有語言

也也依類記寓諭以封禪漢書音義曰寓寄也

寄以喻封禪者披藝觀之天人之際已交上下相發

允答聖王之德兢兢翼翼也故曰興必慮衰

安必思危是以湯武至尊嚴不失肅祗舜在

假典顧省厥遺此之謂也徐廣曰假大也司馬相如

既卒徐廣曰元五歲天子始祭后土八年而

遂先禮中嶽正義曰嵩高也在洛州封于太

山正義曰在兗州博徐廣曰至梁父禪肅然小山在

泰山下相如他所著若遺平陵侯書徐廣曰蘇建也

與五公子相難草木書篇不采采其尤著公

卿者云

太史公曰春秋推見至隱韋昭曰推見事至

於隱諱謂若晉文召天子經言狩河陽之屬○索隱曰李奇曰

隱猶微也言其義彰而文微若隱公見弑而

經不書也易本隱之以顯韋昭曰易本隱微妙

是推見至隱也易以天道接人事是隱以之

也明顯大雅言王公大人而德逮黎庶韋昭曰

公大人之德乃後及衆庶也○索隱曰張揖

曰謂文王公劉在位大人之德下及衆民者

也小雅譏小已之得失其流及上韋昭曰小

雅云人志狹小先道已之憂苦其流乃及上政之得失

者○索隱曰張揖云已詩人自謂也已小有

得失不得其所作詩流言以諷其上也所以

故詩緯云小雅譏已得失及之於上也所以
言雖外殊其合德一也相如雖多虛辭濫說
然其要歸引之節儉此與詩之風諫何異揚
雄以為靡麗之賦勸百風一猶馳騁鄭衛之

云下之

聲曲終而奏雅不已虧乎余采其語可論者
著于篇

索隱述贊曰

相如縱誕

竊貨卓氏

其學無方

其才足倚

子虛過託

上林非侈

駟馬還邛

百金獻伎

惜哉封禪

遺文悼爾



司馬相如列傳第五十七史記一百一十七

